



寧靜閣四集

三

~ 16
179
13



和16
1652
7

門へ16
179
卷13

磐溪詩鈔五編

仙臺 大槻清崇士廣

入都 辛未八月五日

故山埋骨計還空。世態變遷難可窮。自笑白頭翁七十。携家又入軟紅中。

石原寓居
鷄犬圖書來卜隣。牛神廟畔北溝濱。鵲巢休笑拙鳩拙。天地誰非逆旅人。

偶感二首
公侯第宅草茫茫。大馬長槍底處藏。天下分爲府藩縣。人間只見士農商。
仰。欽。帝。業。一。今。古。更。願。皇。威。兼。富。強。罪。後。微。臣。老。將。死。敢。言。報。國。有。文。章。
未。焚。筆。硯。况。陳。編。童。習。白。紛。窮。益。堅。齡。後。先。人。過。四。十。門。容。弟。子。殆。盈。千。
醉。鄉。樂。聖。避。賢。日。老。境。稱。尊。無。佛。天。且。喜。吾。兒。尋。祖。業。一。家。洋。學。代。翁。傳。
五月廿八日。成島柳北。拉余及桂川月池。泛舟二州橋下。觀煙火。

成島柳北云
先生失計。却是僕輩之幸。
本所北割下水。
柳北云轉末。
何等奇巧。何等超脫。
又云。二律聯璧。無一字可間然。
又云。是等詩求之先輩。集中不可多得。
蓋兼有賴翁之雄豪。與梁子之整肅。而別存一家風裁者。敬服々々。

桂川國興稱甫周

戲得五絕句

一年盛事屬開河。兩岸涼棚氣色多。等待黃昏煙火起。無樓無舫不絃歌。
王氣纔升霸氣收。新京樂事競豪游。誰家公子纏頭富。築起江東第一樓。
畫船載妓訂游盟。往事回頭似隔生。一洗十年蠻語耳。愛聞嬌管軟絃聲。
晚際爭看煙火戲。長橋上下客如狂。滿船曷采聲纔歇。萬點星流殘月光。
遨游半日醉還醒。酒渴呼茶人未鷹。恰好彷徨商艇外。攬先來賣北溟水。

六月十九日與柳北及僧白華飲於墨陀八百松樓以風來水面時為韻

買醉橋東八百松。嶽蓮遙斂夕陽紅。中流不放扁舟去。坐領金龍山畔風。
長江月暗暮煙堆。隔岸紅燈點點開。一曲嬌歌聲漸近。也知妓舫趁涼來。
危樓呼酒俛洲沚。亞字欄干涼可倚。夜熱露衣汗不收。停杯先浴蘭湯水。
談笑忘歸耽夜醺。醉來不覺旁人倦。一聲淺草寺邊鐘。缺月雲間開半面。
橋畔分途各自歸。水風拂面步遲遲。此翁獨恐驚人夢。一力車馳夜半時。

柳北云首々實際讀之如再觀當夜情景又云余與先生及白華談風月雖微曉不肯辭若夫二僧未免倦

字者讀之不免覺失笑僕欲作人力車詩嫌其名不雅不果先生下此佳名當速構思以乞正耳

人力車名鄙俚不可入詩一力車稍優

六月廿四日赴雪江關子不忍池觀蓮會主人呼紅中風三字為韻席上作四絕句

一路炎塵蹈輭紅。追涼忽入藕花中。人間酷吏去無跡。管領清香十里風。
一面白交三面紅。妙音宮在翠雲中。隔花誰唱采蓮曲。湖上不容桑濮風。
無復勸杯雙袖紅。滿堂緇素酒方中。莫將一味濂溪愛。不及遠公蓮社風。
不獨臨平五月紅。四時景在一湖中。秋聲好待霜飛後。來聽枯荷葉上風。
七月十一日賀僧白華誘其藩士青軒松確二子柳北及余等避暑於小梅村小倉庵席上同賦其以月到天心處為韻者以配前遊風來句也
節近蘇游秋雨歇。晚涼來赴夕陽沒。徘徊何待斗牛間。先見東山半輪月。
是夜新月奇。明清光流座。日苦炎官逞狂暴。山僧誘我遠相導。何來荷氣送微涼。初覺湖邊秋已到。

柳北云結末何等高致敬服々々又云清灑可喜

窓外有花塘紅衣已褪枯葉戰風

庵喚小倉非偶然。幾人來醉酒歌筵。莫言紅葉霜猶淺。奇石清泉別有天。

有浴室曰紅葉湯亦因小倉之名也

五客一僧相對吟。醉餘談笑興愈深。誰將水墨來揮灑。落落描成莫逆心。

松確善畫席上圖當夜醉態妙甚

月色斜明衝暗去。蕭條歸路共誰語。荒園廢屋草茫茫。只聽蟲聲不知處。

又云使人悽然起感

七月既望復與諸子及兒復謀舟遊飲墨堤大文樓歸而賞月於

東橋與諸子同集前赤壁賦中字余得八絕句節六

一葉扁舟沂上流。清風七月既望秋。東方自有武昌月。何羨蘇仙赤壁游。

護園徒稱江戶為武昌固屬杜撰余則借賦中字以擬之耳

泛舟舉酒樂如何。嫋嫋秋風吹水波。笑彼洞簫悲嫠婦。扣舷相和美人歌。

是日柳北携柳妓二名

樂飲舉杯相友于。如斯清適世間無。臨風流誦詩人賦。客亦知夫水月乎。

結真山民成句即賦中字也

何人江上縱遊敖。歌舞舟中酒未消。萬頃茫茫秋月白。風流獨自屬吾曹。

山間明月露橫空。秋在江波茫渺中。吾挾飛仙駕天上。飄飄羽化御長風。

天寄蜉蝣水有魚。斯生未可託樵漁。長風安得孤舟駕。滄海茫茫縱所如。

余嘗有句云自憐此老餘豪氣浩蕩無由學海鷗亦此意也

柳北云過賞不取當但余生詩文務凡字之去所以得此評錄以告門下輩

送小橋季績應某藩聘赴日向國

驚喜相逢雪滿巔。回頭艱險度十年。空踈我學窮愈拙。練漉君才老倍圓。亂世全身亦勞矣。清時應聘豈徒然。海隅雖遠皆王土。請看神皇祥發天。

壬申元旦放言二首

隱居敢道廢中權。何幸今朝高枕眠。想見皇城風雪路。幾車人馬去朝天。

小橋多助號橋陰

柳北云尋常詩人所不夢

又云起得整々如王者出師

又云結末肅然如奏凱獻俘

又云三首中僕取此詩

盛世君臣智慮神。威風遠布北溟濱。託他開拓固疆圉。不賴英人依米人。

蘇我兄弟復讎歌

禽鳥猶有父。使我孤者誰。肯容父讎共戴天。兄弟同死已有期。嶽麓獵罷營未徹。幸矣我獲獨見遺。雷聲夜黑五月雨。潛入臥內人不知。十八年讎在眼前。快於千載一開椿。蹴枕呼醒爛熟夢。丈夫寧欺醉死人。讎起抽刀刀纔見。兩銜交光身首分。嗚呼大野三驅追。猪逐鹿兒戲爾。二蘇孝烈瘞封豕。

二月初八。柳北詞宗白華上人見訪。相携游古梅莊。花正盛開。和

柳北韻二首

幾箇游人枉駕來。名高一樹臥龍梅。後來栽遍花三面。笑見兒孫鼎足開。細把百花商略來。天然高潔莫如梅。惟他風雅詩三百。只詠標梅不詠開。

遂游百花園用白華韻

不似古莊花盡披。籬南纔見兩三枝。美人林下來。何晚已被春風滿意吹。

歸路飲墨水一旗亭酒間和柳北韻

春衫着得一身輕。欲問梅花訂舊盟。晴日迎人如有意。殘寒欺我太無情。籬邊脉脉暗香動。林外纖纖新月明。憶得東風今日約。沙鷗釣石女王城。

余在仙臺結混混吟社。以誘誨諸子。既去入京。諸子追懷不已。錄其課題見寄示。為加雌黃。附以一絕。

青山夙慧風情秀。翠塢雄渾品格高。最是難兄難弟處。梅村婉約竹田豪。

答梅村生見寄

為嫌名姓噪天涯。故卜幽棲在水湄。謾道先生耽著述。苦心唯有短檠知。

觀劇二首

秦關嘗漏孟嘗君。今日山徒策異勳。不學鷄鳴欺暗夜。高聲讀起募緣文。一代豪僧鐵石肝。賺他衛吏脫重關。連聲打下金剛杖。法外奇忠泣判官。

和小野湖山不忍池新居十二絕

好卜幽棲向此間。梅香荷氣小湖山。問君紅葉鯽魚節。憶否琵琶上下灣。

青山大太郎、大條翠塢、梅村壽德、竹田元吉、號東溟

明治五年二月、月守田劇場、演勸進帳

觀蓮高會可遲遲。冒曉來臨不忍池。欲聽錦苞初發響。及斯魚鼈未跳時。妖艷清香兩自誇。牡丹菊外別成家。嫣然一笑嬌將語。高潔何唯君子花。休把碧筩相擬來。夏家買醉有良媒。紅裙捧出蓮華酒。拜飲金莖露幾杯。

用輟耕錄夏氏事

節近中元佛事新。家家燈火了冥因。看他小艇折花者。不是采蓮歌唱人。湖畔風光轉眼移。枯荷葉上雨聲知。藕花看到霜飛後。却憶臨平五月時。亂後殘僧倚古房。可憐香火漸微茫。佛前閑却送錢手。旋向山中學種桑。松杉風外恹禽啼。煙鎖東山暮色迷。誰向僧房棲一鶴。夜深臺殿月高低。吉祥閣畔萬花開。昔日倦遊一夢回。鳳舞鸞歌今底處。懶尋劉阮入天台。幾人來此占清幽。多是孤山處士流。好借西湖佳話筆。編成一卷小春秋。湖山詩筆鳴鵝墨。我慕風流集此鄉。安得三人夾一水。張南周北劉中央。誤將文字助謀謨。咄咄纔逃蕭斧誅。今日幸逢鷗鷺侶。忘機只合老江湖。塾子六人分滿城風雨。近重陽為韻。以城字來請。先生欣然賦六

福田鳴鵝

絕句付之。使一人得一首。亦秋霖中一適也。時重陽前二日也。

枯荷池上聽秋聲。幾日淫霖不放晴。且對東籬未開菊。三杯白酒破愁城。火輪輾轉送雷聲。聞說新橋鐵道成。只恐重陽臨幸晚。連天風雨暗秋城。

五年九月十二日新橋鐵道落成

不是面談談即成。何知海驛與山程。一條電線翔天際。直自江城到洛城。新為北道豈虛名。填海鑿山開拓成。猶剩嵯峨連島在。忍教魯虜築邊城。釜山掃地待天兵。怒殺朝鮮破舊盟。海陸何人敵王愾。赳赳武士盡干城。為政莫如租稅輕。頑民未必訴無名。人心向背誰能禦。始信機山不設城。

題效顰雜詠癸酉三月

扶桑千古足人材。筆信削疑容易哉。一自義公修國史。一藩皆見馬班才。滿胸史學發為詩。詠遍忠邪無漏遺。便是古人真面目。效顰何必在西施。欲將創體誇人士。一部東方國詩史。及讀黃絹幼婦辭。白頭自愧遼東豕。

脩身學題詞五月

橫須賀靜齋詩集

三汊水碧一樓青。靜坐高人養鶴齡。唯有婆心忘不得。草成幾卷訓蒙經。徐徐相導去登山。行險如夷心亦安。却是聖人中道立。躍如不發欲從難。仰見蒼蒼天有神。敬神愛國是忠臣。說來本善明心術。亦是一家王守仁。作善降祥作惡殃。聖門亦有勸懲方。一千八百七十載。濟度衆生何太長。一事無成雪滿巔。學兼蕃漢豈徒然。半生不解修心道。恨被神鞭先着鞭。

讀菊池三溪詠蛛網七律九月

雖然巧思亦區區。滿腹經綸僅護驅。電線縱橫網天地。人間有此大蜘蛛。

癸酉十月六夜月下作

長天雲盡夜悠悠。一片冰輪大八洲。久旱得霖霖亦歇。今宵真箇好中秋。

弔亡大夫七峯但木子墓十一月

東西浪戰是耶非。誤取污名彼一時。不使天皇累清德。此心唯有故人知。

空王漫自說。因緣禍福人間寧。有門君死吾生亦天意。留將片石薦蘋蘩。

題畫

幽篁與枯樹。倚石作三清。日暮空山裡。無人識此情。

題八雲琴

三絃嬌軟蕩淫心。四絃裂帛淚沾襟。自有二絃風調古。一曲八雲神代音。

甲戌一月一日和某生韻

曉來無復市聲譁。瑞雪紛紛滿萬家。滕六亦知新歲改。粧成枯樹幻梅花。

代樂山公

老來結庵染井里。翠松當軒壽色多。明窓獨把歌書讀。養心莫善於吟哦。和歌之道神代起。言靈宣託何其旨。三十一言雖然短。感動人心浹骨髓。爾來作者不乏人。柿翁赤人稱絕技。萬葉網羅數萬言。古今一集成延喜。不唯世變觀盛衰。坐知天下名山水。觀花必於是。聽鳥必於是。思友寄遠亦於是。可以解慍矣。可以排悶矣。可以樂而忘老矣。以此優游終天年。庶不負爲皇朝士。憶得家祖白髮太平歌。殘軀不樂如天何。

柳北云。結末不似先生口吻。伊達公。

人皆有一癖。我癖是和歌。發於性情感天地。三十一言妙如何。

蒲田觀梅 三月三日

鼻端出火耳生風。蹴破紅塵城市中。十里平沙沿海路。車如流水馬如龍。
清人歐湖南臺灣詩。押艱灣蠻三字韻。頗險。而邦人往往有和之者。余讀之。不堪技痒。遂疊作八絕句。馮婦之攘臂。固不免大方姍笑耳。

虎穴探讐事太艱。遙遙航海入臺灣。濱田兄弟勇無比。一喝蘭酋擒稚蠻。
欲為朱明濟國艱。義旗三世據臺灣。鄭家殉節堪憐處。不貽孫謀付島蠻。
國事多端天步艱。遠征何暇伐臺灣。縱是收為吾屬島。不成一事牡丹蠻。

三溪云。二十八字。鐵案。

逐北連旬度險艱。滿沙伏尸委荒灣。無端記得石湖句。蝸角紛紛觸與蠻。
鷄籠山峙路辛艱。一島兩分南北灣。蠢爾相爭恐非計。鎖臺壓海是荆蠻。
為恤漂民暴殺艱。編師問罪戮臺灣。何圖大國生嫌隙。不許南邊化外蠻。

菊池三溪云。根據拙堂翁海外異傳來。此是此翁長技。柳北云。臺灣征討之議。置然滿朝野。先生以僅々二何等識力。何等筆力。

柳北云。八首中。僕最喜這詩。三溪云。溫藉而雅健。大得詩人之旨。所以為歷卷森立之號。枳園稱養竹。三溪云。疊韻諸作。正是先生慣熟手法。愈出愈無極。此餘子所不及。

野州吹上藩老臣。比元宗之進妻永井氏。磐溪妻妹。

尊俎折衝仍釋艱。艨艟何必戰西灣。能將專對全君命。只合餘威及野蠻。
天子深知王業艱。保民恩遍海之灣。好待春風吹送日。飽聞黃鳥語綿蠻。
和森枳園夏日雜興四首。

天明殘月更清奇。風拂蓮塘度水時。彷彿有聲花競發。半床香氣夢先知。
華胥國裡去探奇。枕上清風夢覺時。盆裡蘭花香滿室。擬將一片贈相知。
醉後揮毫字最奇。更將餘瀋寫蘭時。解衣槃礴忘三伏。此際風懷誰得知。
緩步園中興也奇。閑花野草亂開時。平生恨我暗多識。滿地幽芳名不知。

哭永井氏詩四首。六月十六日。傷廿八日。暇。

肩摩鞞擊客紛紛。龜島橋邊卷午氣。忽有人車輾人去。連聲呼返若無聞。
鐵脚摩人一指空。創痕忽釀破傷風。車夫慘毒無尋處。永夜呻吟吞恨終。
新聞紙上目前如。昨日顛人今日扶。誰識衰翁當此阨。親逢姻戚死無辜。
修橋治道事紛紜。煉石街成壁有紋。車馬傷人曾不問。文明畢竟做何文。
小笠原化堂公暖房宴賦呈一律。

宿雨新涼九月天。高堂營就會群賢。君原南越勝山主。家在葛洪丹井邊。翠竹青松新綠野。細流奇石小平泉。清歌侑酒非吾事。坐誦奩輪張老篇。

舊曆十三夜九月廿五日

不是十三是廿五。驚看明月落床前。風流天子今千古。留得清光圓更圓。

清灣樓歌賀櫻所石川先生新築

仙人好樓居。爲其服輕氣。冷然善御風。長生非無謂。駿臺高處一層樓。千金不惜土木費。西山爽氣豁襟懷。風月滿空清意味。自醫醫人寧有窮。壯筋骨兮健腸胃。先生本是軍醫監。榮選新班五位貴。維時明治七年秋。問罪臺灣敵王愾。滿清遂以萬金償。王師凱旋歡聲沸。此樓恰成於此時。我祝先生大有辭。古人有喜乃名物。叔孫勝狄名其兒。請名曰清灣之樓。歸美天朝及我私。君不見烟水清遠品川灣。盡落先生指顧前。

擬梁伯鸞五噫歌

望彼東京兮噫不觀。皇居兮噫。宮闕再議兮噫。民不必勞兮噫。寥寥

無聞兮噫。

讀新聞紙

風氣漸開事趨便。海有汽船陸電線。四方奇聞爭先投。一朝印刷萬紙傳。褚生面白位甚昇。夫子木鐸大放辭。高論吐屑驚俗耳。叢談滑稽解人頤。文明天子樂讜議。洞開言路無所忌。豈傲周家監謗禁。獨取鄭國鄉校治。號令渙汗速於郵。家教戶諭德澤流。吾曹井蛙何所見。一悲一笑空杞憂。征韓之論民權說。筆陣如雲戰未絕。去歲官海起風波。昨日巨舟今日滅。又聞裴相被刀創。更見韓尉伐西羌。富弼奉使和兩國。廉頗解憾輔一王。尙望諸賢効其職。必使神州冠萬國。終及華族品行污。某網市利某漁色。朝聘娼妓夕逐妻。只憎強項愛柔荑。隸扶乘時充囊橐。負債如山終噬臍。豚耶犬耶何無智。害稻蝗蟲之不異。我讀斯言書諸紳。好爲弦韓勵吾志。紛紛里巷恠褻談。饒舌說來不可諳。商會得失教部議。併他瑣細箇中舍。吁嗟乎湯之盤銘苟日新。日日新。新聞又日新。何人先得康誥意。一片故

石川良信號櫻所

紙作新民。

改公文通誌為朝野新聞，蓋亦謀中興也。詩以祝之，且將晚節鼓中興，將伯助予吾敢能。朝野新聞遍朝野，恐他紙價一時騰。甲戌十二月初六，訪學齋林公湖山秋航先，在賦此呈主公。不見林公十五年，相逢今日了前緣。不唯厚意容狂態，招集同門共醉顛。

明治七年改稱柳北入此社，磐溪所薦朝野二字，亦磐溪所選。柳北云：日本新聞，他日若至動洛陽紙價，則亦先生之賜。

明治甲戌之冬，遊宴磐溪湖山，秋航三老，于下谷練堀街僑居席上，磐老有詩辱詆，是當日之實錄也。爾後予萍跡不定，不得屢接眉宇為憾矣。及今俄聞訃音，不覺淚之漸々然下也。因敬用前韻，以代挽歌。

稱父呼師四十年，奄然無復再逢緣。生芻一束聊奠獻，難奈泰山梁木顛。

明治虎年槐夏

學齋林昇拜具

題金毛山畫萬壑競流圖 乙亥二月

輸瀉跳蹙勢，洶洶欲崩屋。知微死後八百年，金翁筆力卷巨瀑。耳底只疑萬雷轟，陰風襲人毛髮清。奔湍曲折十三里，身在岐蘇道上行。

時事二首

忠臣義僕跡成空，民選紛紛論未終。一木難支小野組，萬金能辨大窪公。

明治七年十

林大學頭

一月，小野組附店，明治六年十月，萬世橋落成。

青山埋骨朱塗外，白髮容身黃卷中。却怯新聞競興廢，也知各社有窮通。齡過七十加五年，喜看開化日推遷。千家燈點三更白，萬世橋橫雙鏡圓。月給銀飛日曜日，旭章紅閃天長天。如今養老典全廢，笑數囊中潤筆錢。為春名修德子，祝尊叔後藤翁華甲。

經營家產有餘糧，委吏兼知會計當。今日功成樂風月，仙齡卜得百年長。

酬菊池海莊翁見贈

先生七十眼，尙向故人青。寄來唯廿字，真情炳若星。

水邊梅二首
小橋流水路迂回，欲問梅花開不開。門外彷徨先已卜，微風脉脉送香來。野梅籬落影斜斜，獨木橋邊三兩家。老幹半傾橫澗底，一枝放出水中花。乙亥四月初六，八百松樓席上，和森春濤見贈。

西遊憶昔訪明倫，秦塚皆為千古人。風采今逢黃魯直，詩名久壓老天民。雨晴愈現柳陰暗，日落纔呈花影真。傾蓋休言相見晚，與君同是白頭新。

春濤原作文章學術本無餘事甘為滄海萬人地三陳檢討名園
絕代冒巢民消魂有種楊枝口憶語如煙梅影真游戲與豪攀險韻一
百篇新出

次韻呈勝海舟君

家隔城南北情通纔一咫名成身乃退深適代謝旨君子得正斃何必原
野死。

呈中村敬字君

堂堂敬字子早已知天咫一部自由編說盡神真旨飛行天地間大道無
生死。

超海集題詞十二月

一衣帶水是蝦夷收拾煙嵐盡入詩此役真非折枝類以超北海亦能為
天地一新開拓秋皇風遠及北溟陬莫將得失論交換獵虎島南十八洲
誤抗官軍彼一時竭忠所事豈其非朔風吹斷五稜郭一片青山碧血碑
芭蕉翁贊二首

以我二十言贊君十七字為慕西行風句句皆禪意
柱下五千言人皆歎簡易何知芭蕉翁妙在十七字

丙子一月一日隨例賦二絕句

瓶中梅伴水仙開先醉晴窓第一杯纔說新春人意改不言明日小寒來
喜迎七十六年春游戲人間未死身却算垂髫就師日恍然自覺隔生人

送雪江關書博遊支那依其留別韻丙子一日

老去無如脚力何羨君萬里入寧波居然雲夢吞八九勞矣當年博望河
脫却風塵事遠征一帆西去海波清江南自古多才俊待汝持歸月旦評

達磨圖二首

雪中跌坐現慈相面壁終朝禪味長憶得嵩山少林寺立堅不動契神光
風雪儼然初祖尊彤雲忽散吐紅暎一朝幻影瞥然盡似為蕭梁滅罪根

海棠雨

枝枝帶雨太多情嬌態含羞淚有聲誰道少陵無一句曉紅花重錦官城

明治八年十
一月海舟辭
實

伊達伯爵

鹽田真
清川玄道

柳北明治九
年二月因讒
謗律入獄六
月出獄

宗基公賜宴席上和平山省齋韻

歲月匆匆駒隙馳。終身業在幼時歸。精神一到透金石。莫向讀書弛活機。
和鹽田某赴米國博覽會留別之韻。却贈從清川生之請也。二首。
一竿高颺旭旗光。吹送東風萬里航。紅日漸沈天漠漠。白鷗遙沒海洋洋。
百年昔建不羈國。群寶今開博覽場。載去象嵌蒔繪巧。春帆無恙到新桑。
一方寶聚五方光。陸續山梯又海航。欲廣見聞情懇懇。爲開智識樂洋洋。
人工天造分雙局。奇獸珍禽設幾場。彼此看來細評品。只應漆器詫扶桑。
聞鷓有懷柳北子

好向長江笑一回。榴花五月照顏開。杜鵑啼破幽囚夢。山上有山歸得來。

六月二日作三首

憶昨鎮西巡幸長。又移車轍向東方。普天今日無私照。盡使蒼生仰末光。
邈矣纒宮幸淡涯。列朝天子治無爲。不毛窮髮被霑澤。開闢以來唯此

松浦武四郎

信夫怨軒云
先生居三層
樓則非尋常
相似之家容
易可尋到也
中村敬字云

時 駐蹕宮城五日。強萬家父老泣榮光。斯翁暗淚支難得。是我祖先墳墓鄉。
古器陳列錄題詞贈松浦老人

夏木陰森泉水清。蘆葦深處秧鷄鳴。中有幽人耽古物。滿室薰風細品評。
匾壺匝蓋父葵爵。燦斗威斗可以酌。漢鏡八卦十二辰。新莽則長宜子孫。
七品是爲陳列首。半兩五銖紛左右。斯翁好事豈徒然。可以養老可延年。
嗚乎開拓北海果誰力。正其境界理全國。造島之神安在哉。唉見二千年古色。

丙子八月十三日移居于本鄉金介巷。居在繼谷之上。賦六絕句以告來訪諸君。

移居城北避紛華。坂路崎嶇谷口斜。枳殼寺南蘿蔔巷。樓高易認故人家。
地依爽塏氣清涼。此處終焉真箇臧。成室雖無輪奐美。有人善頌百年長。

凡作一詩則必有一個主意心中分明口頭分明字上分明方為真詩如此六絕雖出於揮灑不經意之餘而篇々道出近況各透入他人肝脾讀罷稱快者久之

葉煒號松石

相者本國堂云先生壽躋百二十歲我能保證矣因戲及之

也無酷吏苦斯身四壁清風拂熱塵回想艱難戊辰事恍然恰似再生人富士峯當樓角看千秋霽雪照人寒聖明在上吾何管天下唯期維嶽安纔呈寸碧便誇人蓮嶽誰知面目真玉立分明擎八朶群山連處現全身先人見背幾浮生五十年回夢忽驚今日好開追遠宴會他蘭臭訂同盟

期在九月二十八日即先人誕辰也

寄懷清人葉松石在西京用其寄贈之韻五首

去年我亦入西京一別難尋舊酒盟羨汝東山携妓去祇園清水醉歌行。昨游在眼萬燈妍今日思君心欲燃詩力酒豪誰復敵平安市上一青蓮。四條橋下納涼秋如意峯前鴨綠流似表君詩大而妙燈光萬丈照高樓。擎出炎天碧玉顏分明殘雪駐霓斑別來一事堪誇處築起岑樓揖富山。書法漫臨東晉賢家鷄野鷺愧文筵西歸好託風帆便寄與山陰九萬箋。

送葉松石歸清國依其留別之韻二首

贈劍平生一片心知音寄在伯牙琴具將語學訓蒙士留得詩名喧藝林。老我殘年懶超海此生何日再披襟一帆西去無消息積水茫茫別恨深。萬里鵬程容易經自稱浮海信緣生道心論古胸堂豁筆舌談文眉字清。三歲交游何限思一朝離別若為情秋風除却荷花外相贈無由日本櫻。

首

九月二十八日先人罄水府君五十年追遠會賦謝來會諸君六首
酌年鼓腹樂清平舉世誰知洋學精能鑿渾沌通七竅橫行字底獨橫行。壁間高揭古真容一瓣焚香拜下風取長終然補吾短此心聊可報先公。雖將首唱屬吾翁亦賴諸君繼述功多謝城南城北客翩翩來集一堂中。一隊帽尖穆白毛銅鑼喇叭鼓聲豪雖無絲竹紅裙盛會比蘭亭幾等高。曲終奏雅是何人魯國男兒十尺身演說我翁創業苦滿堂佳客飽餘論。奉訓家庭廿七年略知實學在西邊何圖躋得古稀域逢此文明開化天。

十月二日月下作二首是滿月夜

末廣重恭號
鐵腸

淺田宗伯

一從鳳曆換陰陽。晦朔茫茫鳥兔忙。唯有團圓天上月。分明三五夜中光。始覺今宵月色多。十年世態感如何。滿懷秋思無排處。坐誦大江千里歌。

朝野新聞社三回改稱節。祝辭二闋呈成島。末廣二君

正遇三回改稱節。柳絲秋老菊花黃。于朝于野訪探遍。是舊是新聞見忙。鄉校不毀思鄭產。巫疋弭謗笑周王。誰知戲謔寓微意。暗助文明昭代光。挾將萬紙出京橋。奔走投門趁蚤朝。也似道人振木鐸。非關聖主詢芻蕘。義奴貞婦聞斯錄。巷說街談誤則銷。讀到辯論增感歎。區區心在報明朝。

讀老友淺田君栗園詩鈔有感。書此代題詞。明治丙子小春

信山深處產奇才。昭代名醫國手魁。猶似先儒太宰子。熙熙奎運上春臺。不唯運七濟斯民。著述醫人殆等身。欲識大家無不有。緒餘詞藻亦超倫。憶昔萍逢會友群。海鷗社裏細論文。百年天地滄桑變。落落晨星獨見君。殷後頑民也不多。維新時節樂如何。神風黨散海波穩。閒誦吾翁蒙古歌。
集中元寇七古最快故及

題中村敬宇氏別業二首十一月

先生別業倚青山。百畝邱園屋一間。車馬之聲不到耳。松篁交影以怡顏。天邊嶽雪秋明媚。林下楓霜暮爛斑。爲是主人能許飲。清談終日醉忘還。名園荒廢少人知。知己相逢亦有時。某水某丘仍賴舊。其菑其翳伐平之。天光雲影俄然闕。鳥語花香特地嬉。最是先生愛翁意。老松分送歲寒枝。

和敬宇君幼穉園詩韻三首

童學新開幼穉園。戲游乃入德之門。世間父母何苛酷。辨子恰如追放豚。習與性成忘戲嬉。從容游藝步遲遲。此間愛育知何用。欲待宜其家室時。指示群禽衆獸名。是花是草掛盈庭。誰知聞一得三妙。便是嬰兒頓悟經。

再和

尋來不用問何園。幼穉之名挂在門。根他遊戲養其本。天下小兒無犬豚。無我無心事。戲嬉天然開悟不嫌遲。女師欲盡玉成道。誘導循循在此時。誰唱當年櫻埒名。馬塵掃盡闢園庭。奇花異草多洋種。須授林那本草經。

敬宇云。自園始。惠然見過者。愛古先生也。此二篇。描寫園林之景。殆無餘蘊。所謂摩詰詩中。有畫者。不堪敬服。又云。此詩成于神來之候。者。筆墨之痕。俱化。僕自置莊以來。首賜詩者。日一揮見贈。僕當常揭座間。以爲永寶。

敬宇云。瑣言細語。拈來總歸典雅。句句是訓。頭々是道。

原韻之詩見
愛敬餘唱

十一月廿三日携兒及門生游瀧川有憶去年唱和事因戲倒押
原韻以博敬字君一粲二首
一橋架水度飛虹。間道行吟句未工。百尺松梢含晚翠。半林楓葉駐殘紅。
辨才天暗叢祠暮。不動尊寒瀑布風。是日貴游何寂寞。新嘗祭會在皇宮。

不見孟冬藏後虹。霜楓一帶染成工。殘瓢有酒尋餘醉。滿地無人掃爛紅。
石逕停車悲晚日。龍山落帽恨寒風。相逢不獨吟游客。香火爭供天女宮。

磐溪先生倒押宮虹作遊瀧川詩。傲響賦一首奉呈。正直再拜。

健筆縱橫吐彩虹。嗜文愛古老逾工。庭前松獻千年壽。霜後楓輸兩頰紅。久矣大名蒙異域。允哉晚進慕高風。幸余待遇如親眷。叨入先生偃息宮。

酬見和二首

飛閣雖無架彩虹。最層樓就見天工。雲來雲去三峯白。花落花開兩月紅。
園中茶梅 金石舒懷學歐意。煙雲過眼慕蘇風。休嗤措大不成事。儒有輪

敬字云。越出
越奇。文壇老
將出奇兵無
窮。一至此耶

焉一畝宮

崇朝其雨條然虹。光彩依稀詞藻工。費幾寸丹吟髮皓。浮三太白醉顏紅。
數竿修竹蕭蕭雨。一樹長松落落風。來賁丘園真有喜。礫川謝向老牛宮。
先生家在
牛天神北

酬敬字君見贈二首

日雨相交淫做虹。爭非美事况爭工。蘇徒物黨神排佛。源旆平旗白觸紅。
愛古堂中無俗客。同人社裏有仁風。且忘鬪靡誇多陋。一曲清歌商叶宮。
聞西國事平
因有此作

美人虹變丈夫虹。淫氣成徵垂象工。殷後頑民狂自廢。明餘闖賊血猶紅。
誰言此輩不祥物。足助後來無事風。邊海茫茫威德遍。仰天遙拜大神宮。

丙子小春下日曜日。八王子谷合南涯生見訪。似其英雄百首。余
讀之不堪擊節。漫加批評。并賦此詩。以代題言。

空谷登然來者誰。八王村裡老南涯。滔滔弄月吟風底。詠出英雄百首詩。

細心評罷取微醺。眼底群雄歷歷存。千載恩讎詩史筆。誅他姦骨雪冤魂。鴻毛輕矣泰山重。生益於人即丈夫。翻恠東方好男子。死而傷勇是賢乎。多摩一郡勝區紛。况有香魚美且芬。他日小金溪畔路。櫻花時節又逢君。

望嶽詩六首

連日霜晴。嶽色明媚。其朝暉夕陰。氣象變幻之妙。不可名狀。余每登岳雪樓。輒以二十八字寫之。累至六七首。未能了其彷彿也。且錄以自娛。時丙子暢月。

衝寒早起坐新晴。正是三竿海日生。一帶遙山迷曉靄。蓮峯戴雪獨分明。萬瓦晨霜映碧霄。層樓攀去趁晴朝。玉顏微帶淡紅色。離海日光霞未銷。自是扶桑第一山。群巒羅列彩雲間。尊其瞻視儼然立。似坐九重朝百蠻。武甲青連秩父間。殘峯剩嶂亦怡顏。嶽雲斷處現遙碧。云是相州雨降山。山即大山橫麓底。翠高低。嶽雪當天望不迷。八面玲瓏無遁隱。夕陽來逼劍峯西。

柳北云。首々氣韻清高。可謂與一朵玉蓮對峙競秀。

鐘聲林外落。何邊暮色橫。簾已杳。然一抹殘霞紅。未斂夜山坐。在翠微巔。足公東下織公還。迂路纔看富士山。儒生何幸專清福。朝昏笑對玉孱顏。

題後德大寺公聞鵲圖

玉樓夢醒一鵲鳴。起見天邊殘月明。他日山樓幽寂夜。水晶花白不停聲。

平薩州袖歌稿訪俊成卿圖

佛名唱罷事堪嗟。遺稿在。鏗詞吐葩。自有歌人圖不朽。千春載得故鄉花。

藤房卿傳命多門圖

一朝感夢萬山中。不與草廬三顧同。不翅君王依賴渥。丹心傳命是藤公。

楠公訣子圖

幾回掣肘業難成。一卷遺書訣子情。今日休論死傷早。南朝留此小長城。

林羅山

亂離纔定出英才。三百年來文運開。恰似浮羅山下雪。早梅先占百花魁。

圖不朽。一作重然諾。

石川丈山

友交三十六詩仙。一室琴書儘灑然。夫子生涯曾自道。神龍棲老洞中天。

源白石

采覽異言詢遠域。坐間筆語屈韓臣。清明若使先生在。內務省卿斯是人。

虢國夫人

虢國承恩自有緣。青蛾淡掃去朝天。却嫌阿妹專君寵。賺得官家洗子錢。

題賴子成去國謝牘為春雅某二首

去國屯邛彼一時。丈夫自立有前期。纂修一部東方史。成就賴家忠孝兒。誰道狂夫不憶家。奉歡慈母最堪嘉。英雄末路可憐處。三度侍輿來看花。

贈棚橋大作君依其歲晚書事韻二首

二十年前盲後身。勉強不敢委因循。門多益友高談劇。家有賢妻情話真。子夏詩箋傳敦厚。丘明國語見經綸。能將聰聽發明眼。保己一來斯是人。自是多才勞苦身。莫將舊學付因循。生書不及熟書味。語讀何如默讀真。

專君寵一作
遙淫態

全洲指亞細
亞洲歟

諸葛草廬猶抱膝。太公渭渚尚垂綸。滔滔天下盲心者。冥目寧無思道人。

丁丑元旦論語竟宴詩是日早起見富嶽九首

雪霽天邊白玉顏。紅暎纔躍海之灣。一千四百十餘尺。突兀全洲第七山。開春第一拜天顏。咫尺依稀瑞靄間。舜禹巍巍有天下。未知高峻似茲山。千歲青松不改色。十年赤子盡新恩。九重城闕皇居壯。早使蒼生仰至尊。明治紀元纔十春。百般文物日新新。誰知服冕行時外。放鄭聲兮遠佞人。周初何怪有頑民。遺俗流風又幾春。大聖胸中有成算。有王者作世而仁。有若何由似聖人。論他民政最深仁。一言盡徹千金訣。百姓富君誰與貧。端木聰明百世師。聖乎其病問仁時。看他四海弟兄語。便做博施能濟資。我信魯經如鬼神。為迂為遠付今人。奉將聞義能遷訓。博學於文約此身。又逢七十七年春。聖代幸容風月身。春服既成携五六。舞雩壇畔詠歸人。次元旦瑤韻呈成島君兼謝見惠花月新誌三首

蓮幕講經十五年。豈圖滄海變桑田。無端一入新聞社。筆硯又持朝野權。

柳北云三首
高和據實行
虛真箇老手
筆拜謝々々

柳北云弄一
權字有抑有
揚使我新聞
紙重於九鼎
大呂真箇我
輩之幸

寧靜閣四集 卷三

綠酒紅燈狂十年。歸來濕上舊園田。半窓疎影梅花月。準擬清癯僧義權。
見西清詩話
清聲腸斷李延年。艷句情深柳屯田。新著幾編花月誌。又將才筆握吟權。

讀新聞紙三首次柳北子韻

維皇馭世第十年。天下文明龍在田。此際賢愚無遁處。新聞亦有品題權。
臚言風聽度年年。潛在于淵躍在田。收入波瀾跌宕筆。動搖朝野有餘權。
新聞營業未多年。割據三分各有田。笑殺劉曹爭漢鼎。不知江表有孫權。

失題四首

收金納米適宜謀。能得民心即至籌。地價百分之二五。仁風果否及全州。
忠臣在職相與謀。冗職游官不免籌。但使滿朝先急務。早教金穀滿全州。
我業唯將筆硯謀。豈隨計吏執牙籌。但使囊中有贏衍。橫行四百有餘州。
甘心撫仕百年謀。一旦震雷驚失籌。故國無家歸不得。欲將刀筆向何州。

贈清客梁文玩

萬里中華客。來訪太殷勤。殷勤何以報。天下有斯文。

敬字君寄似短古篇。慰余無聊其詩可誦其情不可不謝。因謾步

原韻却寄。又用其韻詠時事。竊寓鄙意云。三月一日走筆書三首。
城北卜隱棲。不嫌隣市井。夜深車聲絕。月動窓梅影。關心海西事。中宵枕
頻警。王師未休戰。何時誅首領。此輩一網打。須之四夷屏。然後固國本。謳
歌太平永。故人憐我老。慙勉恬靖。好待百花開。賞心并美景。凱旋應非
遠。引領望西嶺。

天子憐赤子。怵惕將入井。有此仁愛心。風化捷響影。奈何海西賊。連報風
魚警。這回更猖獗。王土敢攘領。天兵據城射。中丸多竄屏。畢竟無源水。其
勢終不永。頑民一朝滅。重見殷邦靖。舉目有山河。一新改風景。萬古千秋
雪。巍乎富士嶺。

百分歛二五。堯民歌鑿井。嘯衆一揆徒。杳然無隻影。夜作不禁民。村村有
巡警。小區置戶長。大區各統領。憶昔封建初。天下幾藩屏。壓制張國威。無

敬字云賞心
美景跋余望
之

敬字云頑民
彼此易地亦
奇矣

虞。爾。年。永。今。日。一。統。治。州。縣。漸。寧。靖。滿。朝。會。衆。賢。坐。馳。役。萬。景。太。平。一。幸。民。長。嘯。寄。林。嶺。

喜柳北詞兄見和復疊原韻以謝二首

曉夢乍驚回。輓轡響隣井。紅日已三竿。滿窓動梅影。掃几讀君詩。一一喜奇警。險韻何坦夷。風情容易領。憶昨買村園。蓄翳費作屏。幽棲避世塵。盤桓三年永。滿地種梅花。匹如林和靖。更羨柳陰樓。登臨富佳景。一碧澄江流。雙青筑波嶺。

春色滿皇城。祥烟籠萬井。絡驛車馬喧。軟塵吹鞭影。金吾戒非常。無復祝融警。朝朝讀新聞。西變坐自領。擁兵據堅城。似期賊退屏。雖曰持重計。已曠旬日永。進擊不鼓勇。何以致武靖。大舉統群帥。誰是柳元景。用宋書建威將軍典咄咄鎮西平。壽安仰蘇嶺。

棚橋大作君見似疊和詩五首疊二首以酬之

五經腹便便。疑是其姓井。可憐早失明。半生弔形影。忽寄疊和詩。篇篇駭

奇警。夫唱而妻書。餘韻使人領。遵奉温厚教。淘汰俗調屏。所私淑何人。只覺意味永。高淡陶淵明。孤峭林和靖。君住海南樓。總房引遠景。我欲從脚行。雲隔三緣嶺。

子子曰天小。爲其坐於井。暴舉何所期。捉風又捕影。頻見前車覆。未却知自警。猖獗三旬餘。曾無寸土領。食盡降軍門。不然遠竄屏。掃蕩天草賊。偉勳想寬永。吳平弄聖慮。王佐有李靖。看看千樹櫻。滿園競芳景。早奏凱歌聲。公然醉台嶺。

丁丑三月晦

梅花已落杏花紅。吹面猶寒楊柳風。七十七年三月晦。喜以今宵拜乃翁。

江上春興

葦箔竹椽江上開。游人買醉踏黃埃。挽車輾草殺風景。孰與楊花攪耳來。

自和

早櫻晚櫻到處開。香羅結伴去還來。誰家公子馳雙馬。踢破長堤十里埃。

柳北云先生臥病不手筆視數旬爲余強作此二絕余喜極而泣下

四月望病中作

棠紅櫻白柳籠煙。日暖清明前後天。憶得唐賢病中句。一身憔悴背花眠。

四月十七日病中作

縱是吾園數百弓。園中無日不春風。牡丹芍藥紫藤歇。十丈名花百日紅。

詠長城丁丑病中作此詩為最後

赫然南伐滅朱明。四百餘州號滿清。修築却防祥發地。長城非復古長城。

一朝呼文彦
口授記之一
讀獨語曰如
鑿語

磐溪詩鈔五編

橫港一夕話

明治辛未秋八月。余寓在橫港婿秋水官舍。縣員河窪霞嶂。市川雨巖。松村芸洲等相謀。設賞月之筵。以中秋前一夕。邀余於伊勢山直會殿。余乃携遠田木堂等而往。清客勞梅石先在焉。筆談唱和淋漓對酌。亦一時快適也。既歸寓。綴錄紙片為一策。名曰橫港一夕話。以充同社歸遺云。

奉贈磐溪老先生

梅石初草

東國鴻儒者。如公幾輩哉。詩名流外域。學術重仙臺。本有匡時策。而無媚世才。相逢余恨晚。醕酒醉千杯。木堂問醕字。梅石曰。避今上皇帝諱。蓋醇字也。

次韻見贈

磐溪崇稿

滿目皆蕃館。何邊得快哉。欲看橫港月。且上勢山臺。奇遇同文客。劇談驚世才。冰輪纔出海。影落夜光杯。

和梅石兄贈磐溪先生韻

木堂澄草

大築拙藏號
秋水

遠田澄庵

中秋前一夕雅會與佳哉寄託蠻奴舶來登野馬臺不交凡俗客只接俊英才今夜君須醉
月光浮酒杯

松村潛先生邀同大槻磐溪先生八月十四夜集伊勢山直會殿
小飲即呈同席諸先生斧正

清勞梅石初草

異地多佳况詩人屢見招。憑欄風露爽。把盞海天遙。皓月清將滿。秋雲淡
欲消。乘閑先賞玩。何必待明宵。

次韻答謝

磐溪崇

相逢適吾願。不待尺書招。月出秋天闊。雲收碧海遙。吟心如水涌。塵慮忽
冰消。清影如斯足。何期三五宵。

席上賦示

梅石先生萬里來。披襟對語會亭臺。如今何恨相逢晚。一片清光酒百杯。
奉和芳韻

梅石

杖履翛然得得來。高談雄辨壓吟臺。良宵又遇良朋會。美酒奚辭千百杯。

偶木堂出秋月公詩示余曰。

與君邂逅一杯餘。我欲學樵還學漁。漁父樵人皆愚耳。勸君屈節
讀洋書。

梅石旁觀直書洋書下曰。天將欲喪斯文也。可為嘆惜。可為流涕者也。
余笑戲之曰。梅先生而作此言。殊可恠。此港無洋館。公等何緣能得來
商。流涕恐是感泣。

梅石曰。此流涕為我國與貴國而發。非為一人之私也。君學古之士。
當有以鑒乎茲。

余曰。唐突謝謝。但流涕之論。非酒間倉卒可竭。當待異日細論之耳。
梅石曰。醉翁之意不在酒。在乎意氣相投耳。

余出紙乞畫曰。索梅花於梅石兄。非無緣也。水邊橫枝。請勿惜。一揮灑。
梅石曰。畫未之學矣。見君揮灑。與致淋漓。僕恨不能。愧甚愧甚。

梅石曰。僕買人也。逐利是其長技。筆墨生涯。誠不敢道。但以諸君雅會。勉力效顰。誠恐見笑大方。

又曰。僕少小離鄉。諸務未諳。先生其何以教我。

余曰。公自道逐利其長技。長技宜移以用之學問上。必有所得力。君才可惜。故云云耳。

梅石曰。投筆學賈。其才可知。古人有投筆封侯者。甚艷羨焉。僕客橫港八年。於筆墨荒蕪。况當大匠之門。不敢弄斧斤。

余展紙乞聯。梅石乃書曰。

萬里因循成久客。一年容易又中秋。

余書一聯報之曰。

世輓爲商還不惡。運回及第豈無功。

忽憶鐵心之言。書曰。李遂川。蔡伯良輩安在。何不來共此會。

梅石曰。回國多年。舊侶雲散。能不慨然。

余曰。此港來寓諸客。更有好風流文字。似君者乎。

梅石曰。能詩文者無。善書者有。然皆俗士也。

余曰。善書者何人。敢問姓名及寓第幾番。

梅石曰。此人有才無德。不必訪也。

梅石曰。數年前。美濃大垣鐵心先生。路經橫港。邀僕含雪亭中。酒詩竟日。回思舊事。爲之悵然。今夜幸會先生。客中牢落愁懷。消遣淨盡。想三生石上自有前緣也。

余曰。聞之雨巖生。鐵心近日將來此港。若與公等再會斯臺。以道故叙新。當有一層興致。不知公帆尙滯泊乎否。

梅石曰。僕擬秋後冬前買棹歸里。未審能否會合矣。

時既過午夜。與梅石及木堂秋水相伴而歸。渡入江橋。涼月在天。斷雲搖曳。奇景留人。立談移刻。遂與梅石分路而去。則街鼓報二字云。是月念二日。石原隱者記。

橫港一夕話

橫港一夕話

愛古堂漫稿

古奧 大槻磐翁著

新元會圖

先人之在世。每歲以南至後十二日。設宴招客。名曰新元會。事在四十餘年前矣。今也開明曆運。太陽改曆。明治六年一月一日。即其新元日也。兒輩合辭獻議曰。王父君先見可仰。其盛躅不可不繼也。於是索與先人聲息相及之士。得六人焉。曰杉田杉田玄端。曰桂川桂川甫周。曰宇田宇田川與齋。曰紫川氏生玄白。曰池孫生玄孫曰宇田川生槐庵氏生玄孫曰箕作紫川氏生玄孫。而杉田氏獨在靜岡不可招耳。是日天晴氣佳。微暖如春。三主人與五賓客同會一堂。焚香奠酒。告先人之靈。遂稱觴交酌。助以聲妓。以竭半日夜之歡。亦一時盛會也。畫師琴谷在坐。援筆作之圖。余謾題一絕句云。

杉田玄端
桂川甫周
宇田川與齋
箕作秋坪

憶昔先君磐水翁。開筵是日醉春風。一家私曆新元會。感泣今為天下公。兒引二孫相逐追。通家子弟約無違。滔滔三府七十縣。終始新元更有誰。

開歲自述

七十餘年夢裡過。誤躋聖壽幸如何。堯天舜日我生晚。電線火輪民用多。大道紅塵邏卒走。高門翠竹貴人歌。衰翁亦會開明際。卜得水東安樂窩。

酬岩城大須賀子泰見和之作

靜虛談道接良朋。似洗心腸學佛澄。巖國原多盍簪友。林門久侍讀書燈。才倫二陸比敬甫子無優劣。文擬三蘇并父復所言之孰蹈騰。況有舟門地名佳麗勝。如斯清福我何曾。

家與漁村不作朋。孤樓高映碧波澄。朝朝歸海箱湯水。夜夜上山龍火燈。

松攫怪巖青屈曲。濤衝絕壁白奔騰。乾脩巧製松魚節。鹽豉翻嗤詫未曾。

時子泰贈自製鯉節

又疊和三首報知近况

重來無復昔時朋。但喜清平四海澄。京國春風千里夢。家山夜雨十年燈。全身亂世天恩渥。弄筆明窓文氣騰。有酒盈樽吾願足。萬錢下箸付何曾。

曾與原押字同義異。今轉用以要再和耳。

老去遠方猶有朋。草廬卜築擬吳澄。一窓梅氣殘冬雪。四壁書聲半夜燈。

無復洩憂呼咄咄。有時被醉入騰騰。孔門弟子誰欣慕。三省謀忠其姓曾。

和成萬國是同朋。海接橫灣百里澄。青碧欄干五層閣。玻璃窓壁九光燈。

政煩翻有民情定。法密偏無物價騰。最感吾翁關洋學。一家餘慶及孫曾。

修復二兒同除文部省八等出仕皆先人餘澤云

賀復所神林先生榮誕為敬甫子泰二賢息

尼子橋邊楊柳新。東風開宴會佳賓。高人壽色七十七。仙境歲華春又春。

滿架圖書饜道味。繞階蘭玉樂天倫。肩隨我亦忘衰老。不為先生愛一頻。

和青山延壽府廳賞雪詩三首

竹頭不用况木屑。府廳事前人跡絕。想見諸公餘暇多。瓊林坐賞官園雪。

大須賀履字子泰號筠軒
神林保字敬甫號惺齋

神林弼字伯輔號復所稱清助

何不憚煩來屑屑。勉勤只要群紛絕。風流罪過且休嘲。白戰時爭東閣雪。去就何曾論不屑。爲人性僻與人絕。贏得如今衰老身。輕蓑獨釣寒江雪。

又和探梅韻三首

君家兄弟史才清。健筆載將三長行。一樹臥龍花俊傑。風丰寫出有餘情。梅花氣骨聖之清。心醉何人不促行。却恨山櫻太輕薄。看過三日已無情。峭寒偏覺老來清。懶問梅花試野行。春月當窓人未寐。一瓶疎影自多情。

二十九日作即舊曆正月元日

二千五百卅三年。當日神皇即位天。感泣吾兒賜春酒。淋漓遙拜畝傍山。

二月一日赴安達清風招飲家在牛神廟北安藤坂上三首

高樓開宴會佳賓。一座盤殺紛雜陳。日本橋東魚市遠。謝君馳走索鮮鱗。主人自云今日之饗真馳走也

幾度招魂魂未蘇。百場游戲撼冥途。無端記得曹松句。一將功成萬骨枯。

是日屬招魂社祭會

某樹某丘無隱逃。樓頭指點說城濠。一聲何事呼奇絕。轉眼西天嶽雪高。

介清風謁大原二位公席上賦呈

與君同甲子。七十有三齡。貴賤雖霄壤。交游無徑庭。梅花當屋白。嶽色入簾青。一室團樂會。春風維德馨。

飲川田瓮江揖嶽樓

牛門晦跡占幽樓。十畝桑田負郭西。千古文章主人在。與夫蓮嶽孰高低。

海軍醫太田資義席上作主人自云道灌之裔

陸有煙筒海火輪。主人家在品洋邊。却思乃祖營城日。已泊東吳萬里船。

岡櫟園乞久能山詩恭賦以贈

存沒一身關廢興。負山面海勢峻嶒。千秋廟食兩無愧。西有談峯東久能。

井上文雄畫人丸像贊爲女弟子定子

綠服縞裳烏角巾。握毫危坐養天真。果然神妙絕今古。三十一言歌聖人。

大野定子

設說柿翁名句多。霧中帆影妙如何。非披萬葉細心讀。誰信長歌勝短歌。

題湫邨詩鈔四首

叱咤風雲白日昏。猴奴鞭策卷中原。行人今日迷歸路。黃葉秋寒銀杏村。俯仰古今何慘悽。雄藩氣象睨東西。一雙金鏞飛無跡。護屋城邊烏欲棲。維持名教莫如文。尾國從來道德藩。卷起詩風扶世運。春濤以後有湫邨。報君覓句莫求奇。魔道傷風世所嗤。好把平心誦三百。詩人忠厚有餘師。

生自書名刺云。尾張詩人某。因以規之。亦忠厚之意云。

書佛山三鈔後四首

詩有別才書不關。此論一出誤人間。掀翻萬卷供驅逐。獨有南豐老佛山。性情溫厚語優柔。三復使人忘百憂。不惟詩無田舍樣。京都郡裡一名流。蟬噪蛙鳴不必論。高名只恐亂其真。世間多是雷同客。深默知君有幾人。花映晴窓鳥語融。焚香細讀小齋中。鯨波萬里雖然遠。自有靈犀一點通。

四月七日即清明携修復二兒墨陀觀花

豐前人村上
佛山

大沼厚字子
雲號枕山

兒報花期翁即起。凌晨去破墨江霞。東君促駕何神速。十里長堤一夜花。大兒携酒小兒杖。杖上有錢堪買春。誰識嘔啞絲肉外。天倫樂事賞花人。津頭且去避紛華。買醉橋西賣酒家。一簇香雲團不動。把杯坐看隔江花。

長命寺前讀子壽諸才人詩碑有感。次子壽韻以言懷。追錄。

局促東陬枉白頭。重游又上墨江樓。千秋都鳥有誰問。一道金龍依舊流。新綠爭迎公子騎。殘花亂點美人舟。自憐此老餘豪氣。浩蕩無由學海鷗。

成島柳北評此詩云。先生他日斷然學海鷗。則僕將振袂從之。近

日柳北歸自西洋。盛說英佛事。使人不堪聳聽。因演其話作二首。轟轟耳底有餘雷。高浪如山卷磊嵬。今日驚君河漢語。一周九萬地球來。

玻璃龍動兩京城。新話使人能發盲。英國之英佛國佛。人情風俗亦其名。

五月二日招請田安確堂二公。儼然見臨。不堪欣幸。賦呈二公。節過清和猶是春。藤花紫褪牡丹新。却將園客邀園主。偶坐林泉相識人。林鳥和鳴魚躍池。綠陰真箇勝花時。醉忘賓主君休笑。三十年來舊辱知。

德川慶賴公
松平確堂公
本所相生町
住宅係田安
公邸

關雪江宅看芍藥得紅字二首

暖艷晴香露幾叢。君家五月富春風。不腰十萬纏將去。坐買楊州千葉紅。一欄芍藥擁芳叢。占盡連旬開落風。莫是當年溱洧贈。看他醉粉猥嬌紅。

白蓮二首以下十二首皆係課題

冷笑朱華十里光。冰姿一樣照池塘。月移清影將無色。風送微聲忽有香。虢國朝尊纔掃黛。太真賜浴未凝粧。淨緣去結遠公社。夢入廬山菡萏鄉。一種瓊葩愛最深。亭亭玉立碧波心。水鴉浴去忽相映。沙鷺飛來無處尋。天女圍餘雲母障。洛神遺却水晶簪。居然清白花君子。似向濂溪報賞音。

游絲

野馬塵埃以息吹。逍遙自有漆園知。春風湖上枯荷盡。始信游絲是藕絲。

告天子

春畦日煖菜花薰。乍見天鵝破霽氛。百丈游絲維不得。連綿聲在半空聞。

杏花游蜂圖

日煖群蜂去又回。君臣有義採芳來。杏花林外晚衙報。環護大王扶上臺。

仕女撲蝶圖

花邊逐蝶柳邊停。日日春風隻袖馨。戲到秋光銀燭冷。輕羅小扇撲流螢。

夏夜散步

新月纔升煙未消。浴餘池畔試逍遙。涼荷葉上微風動。一點流螢度石橋。

雨中移竹

幾杯且向此君酬。欲扶醉態近書樓。輕蓑短笠半鋤雨。封得吾家瀟灑侯。

夏山欲雨

滃雲高擁碧崔嵬。萬木含風翠作堆。一道雨聲纔到地。樵人爭路下山來。

湖上看雨

涼氣侵衣酒乍醒。黑雲遮岸一湖青。風荷搖動雨千點。疑見戲魚跳遠汀。

曉起看牽牛花

殘夜星稀曙色催。碧花籬落起徘徊。多情織女去何處。只見牽牛含笑開。

雨後坐月

夜熱漸消秋氣回。池頭雨歇坐亭臺。一痕涼月天如洗。殘滴成珠下柳來。

池中荷花盛開二首

朝嗽紅未吐。曉色尙微明。葉葉翻無影。花花坼有聲。

小閣倚池塘。微涼夏日長。水風吹午夢。荷氣枕頭香。

題自畫蘭竹

直哉君子竹。清矣大夫蘭。我筆雖然拙。何容俗眼看。

送莊田瞻齋航海游寧波依其留別韻二首

可學驚蛇老里閭。要追翥鳳溯唐初。此行好去求真蹟。南國豈無顏柳書。

一帆西去杳無蹤。只見雲濤翠萬重。也似青龍逢慧果。參禪餘力學書鋒。

兒文彥拜師範學長之命將赴任於宮城縣言此勉之

老蘇發憤日。諸葛出廬時。汝今拜朝命。居然爲人師。設爲五萬三千鬻。欲化尋常億兆民。勝任與否且休說。播揚皇風在此辰。

臨別賦此爲贖

榮遷喜汝錦衣歸。老淚何曾灑別離。秋帆送到寒風澤。滿目江山皆舊知。

呈權大教正徹定尊者

院呼大教在高邱。本是緣山古梵樓。天祖四神同一社。日東萬舞奏千秋。

自從政體雜英米。動輒文華輕魯鄒。濟度衆生無若佛。要聞鼓腹太平謳。

和其社頭祝一律

馥馥之洲豐葦原。神人開闢別乾坤。鏡兼劍璽傳三種。帝合陰陽降二尊。

一姓連綿皇統遠。萬民淳朴國風存。如今天地雖然變。義勇誰褫固有魂。

觀舞樂

舞樂壇成笙鼓和。幾場古曲奏婆娑。紅冠耀日春鶯轉。綠帶翻風青海波。

一怒秦王發揚蚤。雙飛胡蝶屈伸多。旁觀自擬采桑老。笑倚鳩頭呼奈何。

十月六日月下作

十月正當初六日。驚看圓月入簾帷。匆匆何暇閱新曆。呼做中秋曾不疑。

養鶴徹定

冰輪輾出海茫茫。是夜登樓萬里光。終古無私天上月。人間何問曆陰陽。老來歡樂事多差。但遇中秋痴態加。拜月古風何可廢。一盤芋栗伴茅花。

望夜無月

半夜江樓無月秋。騷人漫意說新愁。惟他十月蘇遊夕。不照霜鱸斗酒舟。

十一月二日作

樓樓笑語沸秋空。競見清光入綺籠。正是寬平十三夜。旭旗紅閃月明中。

來迎柱歌謝平泉寂淨坊主見惠餘材

江刺之郡黑石寺。七間四面藥師堂。維昔將軍田村鷹。東征誅滅惡路王。賊平彷徨不便去。再建此堂鎮東方。大同二年丁亥建爾來佛德增繁盛。繚繞四十八僧房。前九後三免兵燹。三衡尊崇香火長。何圖劫火逞猛毒。千秋古廟瞥然亡。天保十一年正月七日災中有一本來迎柱。遺靈防得回祿殃。降魔珍木公所命。國主樂山公。賜此四字。果知醫王呵不祥。山僧送我材一片。質堅色紫有餘光。製為鐘懸供傲具。摩挲猶覺帶古香。嗚呼溯自明治至大同。歷世一千百

星霜。亡國遺臣長大息。東奧古今幾桑滄。

平泉覽古為寂淨坊主

竹柵柴扉寂不喧。僧房十八繞成村。松林雲暗圓隆寺。礎石苔深南大門。舞鶴池荒流水在。垂楊館廢故墟存。一碑墮淚蕉翁句。草沒英雄夢後魂。

又題其古竹笛蓋藤秀衡時物云

管月絃風鎮奧州。餘音嫋嫋託緇流。一聲龍笛傳家祕。吹起三衡全盛秋。

十月十二日。侵雨候樂山老公於駒籠邸。欸待賜酒。感泣賦呈三首。癸酉。

隱樓卜在碧山阿。往事回頭感慨多。君垂知命臣稀古。殘軀不樂若天何。玉堂昔日侍春風。已矣經筵啓沃功。忘却曲拳擊蹠跡。淋漓對酌雨窓中。風雨西樓晚未收。床前賜酒互相酬。恩情更感陪遊約。飛鳥山邊紅葉秋。弔亡大夫七峰但木子墓。

青山埋骨已三年。一任荒涼宿草繁。今日報君君領否。立將踏石薦蘋蘩。

伊達公

理園二首

宿雨纔收秋氣暄。指揮徒弟理荒園。闢開草莽豁心目。瀟灑喜看松菊存。我惟濂溪周茂叔。自家意趣等間深。荒蕪不掃階前草。欲奈愛蓮清淨心。

夜聞落葉

松塘課題

星斗闌干夜色移。寒衾漸覺粟生肌。一宵不睡羈人恨。唯有蕭條落葉知。

夜市買菊

席上

彌勒橋邊藥王廟。夜聞人語出柴扉。荒園有箇長松樹。花市欣然買菊歸。

雜感四首

眼看文明開化風。自驚先見不欺公。一千八百西洋曆。七十二星歸此翁。忠臣楠子釋西行。隱顯各成千載名。誰識人豪華盛頓。出爲諸葛入淵明。電機馳矣火輪走。轆轤人車穀擊天。却恠東陬幽僻地。烏啼山客尙猶眠。新政多端勞衆賢。征他城市到河堧。硯田無稅稅吾有。收得江湖潤筆錢。

太公望

舊夢何曾到釣竿。磻溪秋老荻花寒。三朝元老心王室。莫做羊裘一樣看。

伯夷

卜年七百亦成空。冷笑鷹揚牧野功。一曲采薇歌萬古。西山獨立領春風。

范蠡

破吳已雪會稽耻。安樂何堪烏喙長。肯使西施蒙不潔。五湖秋水洗殘粧。

豫讓

謾道爲難愧天下。漆身吞炭欲欺誰。衆人國士較輕重。肚裏二心知不知。

范增

示玦不應剗印人。鴻門劍舞枉精神。范增七十好奇計。不省興王自有真。

張良

帷幄陪秦仍斃楚。誰教孺子逞奇才。他年四皓安劉策。亦自老人書底來。

蕭何

鄼侯勳業自超倫。赫赫劉家第一臣。汗馬無勞且休慊。早將功狗屬他人。

韓信

湖山宛在楚封中。堪醉眞王斃項功。早識謀臣同走狗。黃金只合鑄朱公。

嚴光

故人文叔爲天子。我豈坐茹王土毛。聊將氣節助風教。孰與君房鼎足高。

孫權

煙焰漲江人馬流。吞吳膽落阿瞞舟。眞成斫案斷機會。生子當如孫仲謀。

諸葛亮

抱膝草廬期管樂。時人不許志猶存。臥龍一躍機先動。天下英雄來在門。

關羽

大義助劉寧貳曹。絕倫髯美萬人豪。酬知一斬顏良首。不負平生偃月刀。

富春山圖

古今詠桐江者。莫不詫其氣節。余意獨不然。詩以擬之。不知無

害名教乎否。

此詩亦載在
警溪詩鈔三
編

光腹帝手撫。光足加帝腹。雖然曰豪爽。冠履何翻覆。率土之濱誰非臣。欲
奈故人劉文叔。壽至八旬亦國恩。富春山所耕何粟。君不見一諫去歌西
山薇。千古高風在孤竹。

文治古笈歌兒文彥在仙臺所
獲蓋藩庫舊藏云

避秦一器何人造。風字成形鼎足峙。六扇雕扉左右開。春華秋菊鬪雙美。
說是龜井六郎笈。鎌倉雕云無乃是。憶昔文治己酉年。衣川襲擊事可憐。
源公戰沒五臣死。此笈遺却在何邊。靈物隱顯蓋有數。轉歸斯翁豈偶然。
斯翁好事世無比。不問和漢唯古視。家藏漢武三神鏡。文部博覽不落二。
物聚所好亦天緣。結爲人間一頑仙。避秦之器避秦客。桃花深處得意眠。
按名物六帖引同話錄曰雲水人以小竹採之。下爲方蓬。上爲方蓋。蓬
之中。真衣衾之屬。蓋之下。藏藥物之屬。負之於背。以行。名曰避秦。此二
字。班馬書皆載於四皓事處。器物因事以名。其源流有如此
者。以是與此邦所謂負者太相類。而避秦字最奇。故襲用之。

除夕作

市聲人語歲云除。燈下圍爐獨讀書。自笑素飧君子宅。汝庭多見有懸魚。

歲暮多贈
魚者故云

愛古堂漫稿 明治七年三月活刷

山前千古流風... 愛古堂漫稿... 明治七年三月活刷

朝野新聞社
員澤田直溫
所編雜誌

福田鳴鶴
加納子爵

文明餘韻

磐溪老人稿

送全權公使榎本君之魯西亞二首

專對遠尋隣好盟。節旄奉使發皇京。折衝應有十全策。不獨嵯峨連島爭。弟兄四海遍春風。當日攘夷跡已空。一片交情無小大。畏天自與樂天同。

尙齒會詩有序

甲戌四月十一日。海舟勝君與福田子謀。大設尙齒之會於城北。加納氏紅綠山莊。是日春雨霏微。林花紅濕。名園之勝極。泉石清幽之致。而皤皤十二老。鶴髮霜鬚。會於一堂。文字之飲。兼有紅裙之伴。淋漓酣暢。歡然終日。洵熙朝之樂事。太平之盛舉也。崇也老朽。亦以七十四與焉。不堪欣幸。漫賦二絕。以呈主人。學問文章持世道。風流書畫進才科。欲知聖代開明運。看取藝林人瑞多。

也似者英會洛陽。皤皤諸老鬢如霜。主人風貌未七十。無乃當年司馬光。
成島柳北曰。僕輩竊推先生為人。瑞之最。○又曰。先生好學之餘。好詩文。好書畫。兼又好綠酒紅裙之遊。是後進如弘者。所以樂從先生而遊也。○菊池三溪曰。文已極濃厚之處。致。故於詩淡淡着筆。是先生妙處。

中村樓書畫會賀翠崖翁七十

佐渡人宮崎翠崖。柳北曰。自在。三溪云。作詩如作家書筆。隨意而到老。練之極。

欲開盛宴擅豪遊。先卜江東第一樓。如雨如雲人競集。若書若畫客爭求。
三峯霽雪當軒白。萬頃春流繞檻流。正是先生古稀會。南山高唱祝千秋。
和菊池海莊翁見贈之作却寄。

鹽田松園野田笛浦龜田鵬齋

故人寄我昔遊詩。憶起江樓共玉卮。風月談論真可樂。烟霞痼疾奈難醫。
松園國手三杯酒。笛浦先生幾局碁。更記鵬翁碑一片。落花滿地欲埋時。
三溪曰。笛浦好棋。松園不甚嗜酒。皆僕之所熟知。今已逝矣。獨有先生與家溪琴耳。亦足以強人意。○又曰。當時旭莊有詩曰。落花縱是深三尺。不用為鵬翁埋。惡詩先生末句。用之余恐人不解。故錄之。

翁嘗有贈石之約詩以促之

老去心情痴更痴。米家舊癖任人嗤。只言古谷多奇石。一片雲根何日移。

柳北曰。不求巧而自巧。如老富商督促負債。想見菊翁搔首無一語。○三溪曰。此評極妙。非吾柳兄不能道。

題自畫墨蘭

漫寫國香酬國恩。芳心一片墨無痕。深山幽谷皆王土。不學所南描露根。

啓蒙國史畧題詞

大槻東陽相摸國大住郡大槻村人

東陽山人啓蒙又成矣。復來請題言。走筆作此。一氣呵成。文不加點。頗自覺快暢。但微意所在。讀者能見諒乎否。

啓蒙又啓蒙。嘉惠及幾童。茫茫二千五百載。我更提要發其矇。天智赫然中興業。輔翼况有鎌足公。桓桓武夫出帝王。奠鼎開邊一世雄。延天之治非不美。奎運只見文物隆。剛明我惜。後三條挽回衰運。運不終。降自保元皇綱解。平相榮華一夢中。源軍卷盡西海浪。大政竟歸武門風。而後陪臣執國命。太郎英斷殲胡戎。延元天子失控馭。全節獨餘楠子忠。狗鼠不食足利賊。二百餘年虎狼叢。戡定大亂知誰力。前鋤後剪有織豐。嗚乎三長不具史。不作作之讀之。將無同苟。非兼才與學識。未許精明讀史功。

三溪云。非胸羅全史筆運三斗墨者。不

克作此等之詩，其兼三長者，予竊於先生亦道焉。原本有瓜形，端硯銘載在寧靜閣三集。

蒙兮蒙兮莫忽忽。韓子不云乎。術業有專攻。

柳北曰：全篇平易直叙，如讀良齋翁詩，閱到末段，老勁雅健，始覺為先生作耳。○三溪曰：僕受良翁薰陶者，然服其文章，而不服其詩，與柳兄所見大同而小異。

祝辭十二闋，奉待大臣大久保公錦旋。

每讀新聞憂國深。是和是戰久沈吟。忽聞結約償金報，消滅朝朝夜夜心。折衝萬里獨能任，有勇有才謀慮深。果使驕胡膝終屈，賴君決死誓天心。堂堂大國覺羅清，三寸舌端九鼎輕。好託橫文傳五域，播揚辦理大臣名。册封舊典定何如，曖昧當年了事初。多謝中山歸一屬，出君今日結盟餘。落後武人休怨悔，兵家勝敗見難真。請看懼事成謀者，不是馮河暴虎人。誰在燕京和議張，首謀不是李鴻章。早知廟筭在軍費，五十萬丁容易償。島蠻兇暴悼吾神，保護藩王情更親。齎去償餘金十萬，弔來五十二流民。海西是鷓日東蚌，盡被大姦漁父收。奇利釣來饜我腹，閑看鐵甲萬斤舟。雨露天恩春未加，且分愛國與隣家。化來頑犢牡丹種，補得全洲罌粟花。

同文之國輔車依。嫌隙相爭計本非。不若從今謀善後，幾條新約絕兵機。俗未全開民尚疑，外征拓境恐非時。好持保國畏天說，要使金甌無缺期。臺灣降伏滿清親，想見東風凱陣春。港口歡聲沸天地，日旗紅耀滿船人。
以上初編所載

春初病中作二首

手不披書已三日，自憐病骨不勝寒。眠醒枕上苦無事，瓶裡梅花冷眼看。寒疾難風不出家，朝來霏雪勢增加。玻璃窓裡擁爐坐，愛看瓊林玉樹花。

二月四日作
是日立春

戊辰離散跡成空，欲把浮沈問塞翁。東縣井磐西藩山福千里外，二兒文修四女春陽一堂中。人間清福團欒樂，瓶裡梅花爛熳紅。送時柳島花戶閱曆今朝春正立，詠歸只待舞雩風。

題自畫蘭

葉有高低花則單，自覺風姿生筆端。記得吳人王幼海，文人餘事畫春蘭。

柳北云：有此佳作，先生微恙可知。

柳北云：一家慶事寫出，似人不堪艷羨。

清客葉松石見訪和其見贈韻以呈

我逢先生纔一再。先生於我何鍾愛。愛刀愛妓兼及翁。芥蒂一洗平生胸。風丰灑然温如玉。戲墨幽蘭亦脫俗。幸是異域同文人。情話憑筆見天真。鼎有茶兮樽有酒。一堂相會來聚首。况有春風不世情。花柳清明滿江城。篇篇新詩無襲蹈。木瓜有投必有報。萬卷撐腸力有餘。吾足欲進動越趨。雖無纖歌白雲遏。聊將吟詠慰久闊。我七十君則中身。年貌相忘互相親。坐來已覺日將夕。飛觴難卜春夜席。忽憶朱大入秦詩。寶劍脫贈君莫辭。白頭自恥行多悔。醉後語顛舌猶在。臨別絮絮且休嗤。吐露肝膽更有誰。

柳北曰原作通篇二句一解和之極爲難事先生乃容易言之真箇老練之至

附葉松石謝贈劍詩

有道磐溪叟。煙霞鑄瘦顏。名堪追北海。壽竟等南山。慨許解刀贈。歡于載寶還。高情同劍氣。直現斗牛間。辱知弟松石。葉煒未定草。

讀秦紀二首

神堯立德始皇功。功德并成今古風。措大不知天地變。謾然鼓舌罵英雄。

原本有款硯銘載寧靜閣三集

柳北云二首制論亦快論

開井田兮廢封建。祖龍英斷有誰爭。從將郡縣一天下。萬世不移皇帝名。

題山本琴谷畫蕭何追韓信圖

龍顏咄咄失人豪。蕭相追亡眼獨高。忘却從前刀筆吏。一鞭汗馬不辭勞。

椿椿山畫瓶中秋花圖

丹桂紅葵白拒霜。瓶中交影鬪幽芳。高人偏愛秋容淡。不獨黃花晚節香。

園中海棠放狂花戲作

嬌紅再現碧鷄秋。顛後餘狂屬陸游。煬帝豪奢謾多事。綴將剪綵賁林邱。

余之遊千葉縣。柴原令公爲余命漁舸二隻。與諸屬員同觀捕魚。

於總海舟中得三絕句錄一

百丈長繩截海初。夕陽浦外試秋漁。鳴榔聲近未揚網。潑潑波頭閃躍魚。

以上二編所載

先生壽踰古稀。眼不用蝦鏡。意氣益壯。所作詩文。雄健華贍。有少壯不能及者。信人瑞也。弘輩怯懦孱弱。每誦先生詩文。慚汗浹背。成島弘借批

三溪云。想及碧鷄。尋常詩人亦能之。其到煬帝典故者。有幾人哉。柴原和。

文明餘韻

初編明治八年一月、二編九年一月活刷。

博覽餘吟

明治乙亥平安寧樂並有博覽大會。四方競往觀焉。六月中旬會將畢。兒修進曰。大人欲往觀乎。請奉杖屨以從。余躍然而起。以五月三十一日發橫濱灣。六月二日達神戶港。遂入宿大坂。入京都。遂之寧樂之紀州。八月十八日歸。往還八十餘日。詩以紀其行。名曰博覽餘吟。是歲八月。磐溪老人識於愛古堂中。

六月一日。駕蒸氣太平艦。渡遠州洋。二首。

雄風萬里送餘艗。海若潛藏呵不祥。七十五灘平似席。舵樓坐渡遠州洋。一道玄煙漲半空。火輪卷浪蹴蛟龍。夕陽慘澹海將晚。雪白天邊富士峯。

紀海觀日出。二日。

曉起蒼茫不見山。暗中纔辨紀洋邊。東溟一道浮紅紫。輪大金鳥躍上天。舟達神戶津。二日。

淡山翠色漸微明。峯轉灣迴取次行。三日海程波不駭。南風徐入浪華城。

入京先弔山陽賴先生墓五日

白頭來弔賴翁墳。長樂鐘聲送夕曛。憶起水明山紫處。與君對酌細論文。兒童皆誦賴家史。妓女能諳天草歌。絕代清才有誰敵。一山陽壓百東坡。史學文才不必論。豈無一事駕君身。萬機復古新天地。猶做斯文後死人。拜觀禁內博覽會五日

仙蹕東遷宮未成。君王宵旰濟蒼生。左櫻右橘紫宸殿。泣拜平安古帝城。

迥取遺香感慨長。金冠玉帶錦衣裳。連天帝闕九重壯。變作零星百物場。未必西洋勝日東。東人巧思冠群工。描金文匱螺鈿案。精妙驚看盛世風。六日遂赴奈良博覽會

萬堂陳列似星羅。古寶何容手撫摩。薰後名香蘭麝待。焚來靈佛盧遮那。經空大塔潛身匱。扉蝕小楠題廟歌。最是流涎三尺處。金環勾玉不勝多。又

空或作殘

萬象森然或作博覽場開

萬象森然大佛壇。薰風入殿古香寒。千年寶庫秘藏物。盡啓金滕與客看。七帝衣冠與鏡臺。并他帳褥爛斑開。誰知丈六遮那佛。千載居然萬品魁。二元端潔女中堯。傳到平城魂欲銷。咄咄禪師弓道鏡。敢將妖術覘天朝。是日觀道鏡書數通故及論物論人細品評。發揮智識廣開明。平安寧樂縱觀遍。不負先生愛古名。

歸京寓題知恩院影堂

知恩宮殿魯班工。結構端嚴氣象雄。護得當初缺盈意。畫梁猶繫敗天公。

知恩院主徹定公見示曰話盡三生石上因客窓最感水雲身花天月地須傾酒君是

七句吾六句

訪張氏紅蘭老媪十六日

賜祭靈山恩典長。詩人忠厚死還香。五噫歌絕舊廬在。喜見梁家老孟光。

贈宮原潛叟

一去仙臺不復還。飄然更入舊京間。相逢忽記故人句。落日依稀束稻山。

梁川星巖妻

有憶叟昔年東
游之事故云

乙亥暑月中泚奉訪 磐溪翁華山寓處不遇見令息云翁早起游嵐山因賦此
以呈依其見贈韻 潛叟宮原龍拜具

論文傾酒競追歡弛擔知君不得閑好及敲門人未到早尋泉石入嵐山

二十日拉僧某游嵐山買舟泝上流得三首
石巖突兀水淙潺嵐峽撐舟往復還杜宇啼度萬松綠無花山勝有花山
一道奔流九折灣探奇舟似入仙寰晚花躑躅紅如滴粧點崩巖亂石間
勾引平生愛石心幽探不覺入山深大悲閣下赤岩名際拾得天然觀世
音此游得一小石石面彷彿現圓通大士立像奇甚

文彥云末二
首載賴氏支
峯詩鈔為支
峯作誤矣石
現存我

東本願寺僧

廿一日圓山大會小早川大船為余所設是日京中名流會者二十餘人藝妓十名舞兒八名
綠酒紅裙舞且謳圓山高會撼皇州歸來好向東人詫第一樓頭第一遊
是日岡本黃石菊池三溪皆有詩錄附于後黃石云平生登眺作佳游殊覺今朝氣色
迥一座群英迎上客滿山靜綠單層樓清歌宛轉雲應遏醉墨續翻晚未收却憶晉時

南渡後名流多少事風流三溪云倚遍東山十二欄滿樓絲肉坐宵闌衣香掠面佳人
舞酒影映籬名士歡黃石詩宗介於石紅蘭女史臭如蘭併他頭白髻夫子驚見龍蛇

躍筆端

廿六日兒修以事東歸云將使弟文彥來迎客窓無聊於是決策
游南紀夜航十三里人車十九里籃輿七里訪菊池海莊於棲原
相逢道故歡甚席間倡和言懷三首七月一日

昔時交友已無多七十餘齡鬢有華唯為心知忘不得攀山涉水到君家
一別茫茫三十秋相逢悲喜淚絲流吾翁壽兆何其偉齡望八旬猶黑頭
中年游跡夢猶疑笛浦梅墩不可追記否墨江春雨裡落花埋盡老鵬碑

海莊見贈云蒼天何必問窮通白首相逢感最同今是昨非君莫道悲歡總附一杯中
一墨水會游跡已陳故交屈指盡流塵閱來天地變遷事七十同成清世人二歡情誰
復共青樽獨臥南中寂莫村唯有江城殘夜月惠然千里照柴門三

南紀瓜溪產奇石秀峯夾瀑洞門深慙慙臨別持相贈拜謝襄陽割愛心

乙亥七月磐溪老先生見訪笑談三日臨別贖以瓜溪石大小二顆是余從少所秘愛

也，小詩二首，一以奉別先生，一以別石。

菊池定拜

來如東海月，去似北山雲。萬古熊中翠，悠悠遠送君。一石也書窓裡，清歡歲月深。割愛侍君子，是吾一片心。

賀菊池海莊

特旨蒙賞典

事在去年甲戌五月某日，所賜御紋銀杯三箇，金二百圓。

堂堂肥後菊池公，落在民間名豈空。施惠人心非小惠，竭忠王事是真忠。譽高雲客月卿上，跡混海莊魚舍中。菊號銀杯天子賜，沐恩不獨祖先功。竭忠王事四字，用褒詞中語。

歸到和歌山倉田袖岡，導余游明光浦，同押歌字賦三首

午風激灩疊晴波，名草山頭翠色多。隔浦人家呼欲答，紀三井寺對和歌。荻蘆洲外鶴鳴多，千疊潮來漲碧波。絕勝誰能着一語，高聲唱起赤人歌。妹脊山邊佳勝多，平生悔未學和歌。松青沙白明光浦，無奈三十一字何。

西京雜詩，與岡本黃石同賦

山河襟帶古平安，曾築中堂護鬼門。群嶽煙嵐青繚繞，滿川風月碧潺湲。鸞輿一自東移去，鳳闕誰知北極尊。白髮重來倍惆悵，維持世道幾人

八神倉田績

存。

宮嶺峯 又示三溪菊池生

山陽逝矣敬翁仙，經學文章誰復傳。唯剩一條書畫路，京城到處沸雲煙。棲遲只合老衡門，何必東歸戀故園。山靜水清人不競，平安城是小桃源。

訪賴支峯

再游來訪水西莊，依舊清流繞檻長。對酌論文如昨日，回頭四十八星霜。展覽遺書談益融，真情寄在酒杯中。坐來不覺前茵席，風丰依稀似乃翁。賴家著作遍寰區，不止東方相斫書。繼述之任君獨在，忍將醉夢悔前途。

磐溪先生見過水西莊，驚喜賦呈時乙亥七月十又二日也。

野史亭臨鴨水濱，高軒偶過共歡欣。通家寒素聊供酒，父執康強獨見君。繞砌水聲猶舊識，藏篋蠹冊半遺文。興來無物酬夫子，三十六峯擊暮雲。辱知賴復拜稿。

國重權參事招飲，與宮原節庵、賴支峯諸子同賦

納涼橋畔鬪繁華，鬢影釵光笑語譁。何似會君官廳上，林泉幽處聽鳴蛙。喜兒文彥迎至二十日

第二句，或作
悲歡交集一
堂中

廿一日阿彌陀峯廿三日比叡山

大兒送我小兒迎。保護斯翁成此行。誰識論山評水外。天倫樂事了平生。

拉三溪文彥赴四條納涼飲水西竹邨亭三首二十日

東山暮色翠將流。落日鐘聲寺寺樓。一帶晴川猶有恨。只浮鳧鴨不浮舟。

四條橋下納涼秋。幾點紅燈映碧流。記否二州煙火戲。水無寸地萬人舟。

半夜東山月始升。江風若水醉涼棚。奇觀更卜中元後。如意峯頭大字燈。

文彥與門生文傳正興攀阿彌陀峯遂躋比叡山經坂本而歸詳

說其荒廢之狀不堪慨嘆賦述懷二首

千載恩讐兩無迹。日光神廟煥金碧。可憐撥亂大英雄。阿彌陀峯一片石。

豐國社建築有命土木未興為之慨然

根本中堂無一支。三千僧侶去何之。不如朕意今如意。猶恨君王廢佛遲。

登飛雲閣閣在西本願寺後園蓋移豐公

宮殿崔嵬漢水長。何年移向帝城旁。三層高聳飛雲閣。南望桃山落渺茫。

是日熱甚僧徒進西瓜戲賦示

炎天不見寺前花。滴翠園中涼意加。沈得醒泉清冷水。一盤紅玉進西瓜。

與兒文彥同游糺林

茂林深處駐輕車。水榭風涼呼酒初。欲起賴翁俱此味。滿腸苔氣炙香魚。

將發京寓賦此謝院主三十日

明朝將去理行裝。華頂山中上下忙。為是遠公能許飲。淹留匝月不知長。

泛湖到彥禰三十日

湖心漸闊似琵琶。貪勝舟沿南岸過。真箇江城如畫裡。青松粉壁映晴波。

養老瀑八月四日

養老靈泉耳久聞。勇探到此倍驚神。奔流激石碎成雪。飛沫觸崖來撲人。

女帝幸臨名自在。樵夫孝感跡空陳。欲知箇瀑神奇處。洗我惡詩新更新。

大垣吊小原鐵心六日

夢寐多年想大垣。尋來今日轉傷神。無何有墅依然是。安在哉無何有人。

憂國由來慷慨長。暮年功業在勤王。且將賞典千餘石。留與兒孫護舊莊。

快談豪飲昔曾親。得得尋來夢尚新。一幅真容懸在壁。欲浮太白了前因。

岐阜鵝飼七日

七隻漁舟各繫篝火。每舟三人。其船長手執長縑。驅役十餘頭。

鷓鴣控縱出沒。以捕香魚。一夕獲數千百尾。真絕技也。

金華山下夕陽頽。藍水長柄川分流赤壁開。七隻燒薪爭隊進。只疑黃

蓋火攻來。

控縱執縑何自如。指揮篙手泝流初。一群烏鬼皆精銳。沈去浮來獻捕魚。

古戰場荒崖樹寒。香魚時節買舟還。夜漁漸散空江寂。織月如弓猶在山。

名護屋

曾聞護屋以城勝。樓櫓連雲天主臺。今日一雙金鏞尾。猶為博覽會中魁。

宿舊門下村瀨氏十三日

一夕情談未盡歡。匆匆相別舞津間。地名又謂富士見原天邊寸碧芙蓉雪。是我明

朝指處山。

村瀨八郎右衛門號長洲住前津

藩士伴秀太郎永明妻磐溪姊女

勢州長島見姪女古代。余姊妹遺胤。唯存此一嫗耳。臨別意殊悵

悵。十四日

蘇水流岐孤島深。小舟廻棹故相尋。且留微物泣為別。一片真情老叔心。

滯四日市十六日

已了江濃尾勢游。歸心如箭在津樓。前船纔發後舩未。四日市南三日留。

八月十七日。駕蒸氣千年艦。發四日市。

稍覺轟轟艦底搖。曉窓瞰海海遙遙。紅輪輾上二三丈。蒸氣衝天已拔錨。

甲夜舟度遠州洋。

水枕搖搖不自持。起登甲版渺無涯。高燈上下紅明滅。云是遠州沖御崎。

舟入橫濱灣十八日

許邪拔碇泊橫灣。滿目江山昨夢新。各國峩舩翻彩幟。正逢壘帝嶽降辰。

歸家十八日

柳絮飛時發海圻。八旬游跡遍京畿。滿池荷葉秋風戰。留得殘紅待我歸。

今夏六月，磐溪老先生携令嗣及門生薄遊京畿，留旬有餘日，而有此諸詠也。以余謂通家之子也，辱垂示以徵鄙評，余也謏陋何當，然不評則顧屬不敬，聊陳所見。余嘗歷觀今世之人，大抵中年風流自喜，而年愈老愈頑，其詩文過老辛而乏滋潤之味，或失露骨而少溫厚之旨。雖專門諸老，似不免此二敝。獨先生則不然，齡今七十有五，而愛古篤志猶中年也。真率瀟灑猶中年也。至其所作詩文，以老鍊之筆，行之以流暢之辭，讀者唯恨其篇易卒，是余之所以推服於先生也。遂書焉以問。

明治八年乙亥七月念四書于水西莊之綠陰深處。

辱交 賴復拜識

博覽餘吟

太平唱和序

次韻之詩難工。故漁洋隨園輩不敢作。今愛古先生敢其所不敢。醉餘唱酬。積至數十百首之多。而首首變化。無一複筆。稱曰才力壓海外大家。亦豈不可哉。近日征臺之役。我辨理大臣論鋒甚銳。辮髮兒遂輸一籌。較武既然。異日更較文藝。使先生執一管不律。以代三寸之舌。則百戰百勝。彼將偃旗乞降之不暇。惜乎世無勁敵。詞壇老將。顧眄示可用。而卒於無用也。若謂余言之不信。請以此卷爲左券。明治乙亥春三月。

甕江居士川田剛撰

一揚一抑。讀到示可用句。殆使人失笑。我豈敢望破虜馬伏波哉。斯翁矍鑠。徒自夸詫焉耳。故人文叔幸無用過慮。

磐翁

太平唱和
...

太平唱和

大槻磐翁 編錄

成島柳北 批點

乙亥一月一日作

椒酒迎春獨自豪。大兒當室老妻勞。千金歲給人多少。安樂何如醉枕高。

又和柳北韻

戲墨近來多潤筆。聖經勃率不勞舌。一穗青燈七十年。辛勤贏得滿頭雪。

柳北原作

天公不奪一枝筆。談笑猶存三寸舌。呼取芳樽自祝年。老梅當戶白於雪。

謝磐溪先生見惠文明餘韻次其新年之韻二首 柴原靖廬

江湖誰不仰詩豪。裝飾太平吟筆勞。試把文明餘韻讀。祝辭十二調尤高。

各社新聞互競豪。狗頭貓尾亦辛勞。南橋仙史好音絕。獨有贅評聲價高。

酬見和二首

千葉縣令柴原和

撫循百姓抑鄉豪。晨夜戴星先且勞。爲是令公能愛護。謳歌到處治聲高。立勳清世在人豪。苟利於民豈憚勞。欲鑿印湖通水利。要將海面測低高。

和大槻先生見示我柴原明府歲首二絕 木間瀨佩蘭

咳唾成珠老益豪。揚清激濁不辭勞。文明餘韻噪朝野。何翅全都楮價高。如虹老氣如椽筆。賞贊何須鼓饒舌。詩卷繙來肺腑清。梅梢寒月松梢雪。

酬見和，二首。

民選議論何太豪。張皇自許竟徒勞。謝君激濁揚清句。洞察深衷眼更高。一行爲吏老刀筆。官暇抄書煎雀舌。回頭却憶少年時。夏則映螢冬則雪。

攀磐溪先生芳礎

松平春嶽

不啻詞豪氣亦豪。知君報國數年勞。白頭遜跡風塵外。一榻松聲偃臥高。

奉酬見和

巍巍春嶽產英豪。王事多年鞅掌勞。今日幽棲堪養老。雙尖隔水筑峰高。

和山翁先生歲首韻

石川櫻所

文氣崢嶸老益豪。著書吃吃不知勞。微倦時傾一杯酒。梅花帳裏醉眠高。

酬見和

陸軍隊裡一醫豪。診察軍人治五勞。別有先生養生計。清灣樓與嶽雲高。

二月十二日，磐溪先生見過弊廬驚喜奉迎。酒間和芳韻以呈三首。

西島秋航

喜迎當代藝林豪。得得尋吾不厭勞。且酌春樽談舊事。休將鵬鷲擬低高。先生七十氣何豪。詩筆翩翩不覺勞。藝苑名流凋落盡。鷄群獨見鶴姿高。日對青樽獨自豪。移花栽竹屬閑勞。一家生計有賢子。不問人間酒價高。

酬見和，三首。

江湖晦跡避賢豪。舊肩豈學夏畦勞。王公亦篋屯初九。欲遂先生志尙高。一條鐵筆自堪豪。矻矻何辭運腕勞。掃去三橋雪。漁跡漢章秦篆古風高。荆釵蓬首孟光豪。爲婦十年靡室勞。伯道無兒且休悔。梁家俱隱姓名高。

廿一日，府下大雪，得二絕句。

黃袍加體未堪豪。寒夜尋人亦已勞。滿城瑞雪太平曉。臥榻頽然鼾睡高。老去已無湖海豪。出門一步便知勞。玻璃窓裡坐看雪。也勝灞橋詩思高。

是日秋航侵雪見訪喜而賦示

忽聽柴門剝啄豪。驚欣何以報君勞。茶爐溫酒醺然醉。孰與陶家風味高。

秋航原作

雪裡衝寒誇老豪。却嗤沒脛自求勞。高門將叩且躊躇。健步輸君偃臥高。

午後雪益甚。余鼓勇乘步挽車赴柳北盟臺發會。則諸彥皆集。滿

座雜沓。醉中賦呈。

楊柳橋邊會酒豪。自南自北不辭勞。滿天風雪傾城客。堪卜先生門望高。

疊和呈先生十首

秋航

今日文壇壇上豪。遂巡不敢使君勞。却將疊韻來相促。跌宕愈驚國手高。

先生豪氣使人豪。每讀新詩我思勞。休笑俚歌廣郢曲。聲音妙在合卑高。

滿懷老氣壓人豪。新句幾回毛穎勞。更見排雲雕玉手。騷壇誰復敢爭高。

自從雪裡開吟豪。郵筒日日走奴勞。笑吾方寸麼麼技。敢向岑樓欲競高。

伏波老壯豈虛豪。運甕陶公自學勞。我亦從今養精力。欲攀君壽十年高。

腹裡曾無詩膽豪。滿筐手稿半徒勞。苦吟空積鬢邊雪。分寸不加聲價高。

三代以來誰傑豪。出揚入墨亦何勞。千秋卓爾孔夫子。仰鑽其如堅且高。

大聲秋航父字也

大道須師古俊豪。旁蹊邪路惑中勞。嘆嗟執拗王安石。新法謾誇吾智高。

誰喚吾儂爲不豪。不豪便是忘心勞。三杯日酌生前酒。也勝姓名身後高。

利名場裡鬪才豪。役役貪多抵死勞。紅日三竿眠未起。半窓花影鳥聲高。

酬見和十首

廣江處士赤關豪。每遇時流身自勞。三世好文名藉藉。大車更接大聲高。

夙慕陳良楚產豪。東遊萬里豈辭勞。超然獨悅仲尼道。一派儒門名姓高。

篆巧畫奇詩最豪。餘一戲唱酬勞。縱吾和得累千百。爭及陽春白雪高。

欲將枵腹買餘豪。左右支吾枉自勞。猶似市恩仍掠美。乞醯隣舍微生高。

衡山道士座中豪。聯句吟成二客勞。塞口吞聲敵不得。鑪中石鼎等閒高。

詩累百篇豪則豪。到頭枉費筆奴勞。古人警句無多子。猛虎一聲山月高。

謾言白首爲誰豪。未補半生鉛槧勞。好與先生鼓餘勇。春秋欲望百年高。

林門憶昔列羣豪。後輩何辭拜起勞。今日白頭慚愧甚。魯靈光殿號空高。

不待文王是傑豪。成功竟在讀書勞。欲知日本丈夫志。天外芙蓉千仞高。

我考西洋醫手豪。草創事業苦心勞。尚留一子掃墳墓。古寺碧苔三尺高。

柳北和未至。疊其新年韻以促之。

答見督拙和二首

成島柳北

先生詩膽老逾豪。咳唾成珠不覺勞。愧我賦才丘垤小。仰看千仞泰山高。
新聞幾社募英豪。舌戰何殊汗馬勞。休笑匆忙負風月。筆鋒未奏立勳高。

酬見和二首

累世儒官幕府豪。一逢國變奈心勞。如今參得新聞社。朝野才名仍舊高。
本以詩豪兼酒豪。風花狂却十年勞。日知二報孰優劣。輕妙爭如君筆高。
疊韻六首喜柳北子見和。故為綺麗語以酬之。亦欲促其載妓泛舟之約也。

夢魂飛去雪聲豪。一白長堤不覺勞。却自吾妻橋上望。筑峯破碧片帆高。
欲會江樓鬪飲豪。天寒兼怯野游勞。暖風好待鳥聲碎。花影重重白日高。
吟筇扶老氣偏豪。却笑堤長我僕勞。遙指梅花籬落外。一竿酒幟出花高。

溼江名勝勝中豪。四顧何堪應接勞。一帶長流春澹蕩。筑波峯碧嶽蓮高。
畫船載酒醉來豪。不借輕車人力勞。楊柳灣頭停棹處。桃花水暖躍琴高。
處世心豪舉亦豪。名奔利走為誰勞。春去秋來遊幾日。踏青未了又登高。

再步前礎呈愛古先生十首

柳北

溼上春游已競豪。先生莫惜一筇勞。花香月影千金夜。來買江樓醉興高。
天賦羨君詩筆豪。傲鬚畢竟屬徒勞。匹如畫虎不成者。便是當年龍伯高。
豈將孟峭敵韓豪。恨殺吾兵早已勞。欲揭降旗赴牙帳。江天南角將星高。
富岳抽雲氣象豪。每聞登陟不堪勞。如今若把高人比。天半三峰未覺高。
肥馬大車休說豪。知他齷齪意長勞。人間清福誰能占。花下春風午枕高。
花柳嗷人遊興豪。嘯歌連日不辭勞。楊州未覺十年夢。薄倖杜郎名自高。
吾人只解醉吟豪。俗子爭金各自勞。借問柳橋新月旦。絕塵仙筆阿誰高。
鼓腹唯應縱我豪。廟堂日為萬民勞。一新政教超虞夏。時事何須問子高。
一掃霸圖疇昔豪。營營治產幾人勞。臨淄城內推車子。無是當年國與高。
調兵憶昨氣方豪。砲響轟天萬卒勞。今日故營門外路。一痕弦月背人高。

余與馨翁先生唱和及數十首。三鼓氣竭。無復可敵。遂疊探梅四韻以呈。

秋航

梅是群芳芳裡豪。尋來林下便忘勞。能同松柏歲寒節。風骨崢嶸越樣高。
游興揚然藉酒豪。緩行適意脚何勞。探梅多少風流客。清節幾人堪競高。
雪中含笑性元豪。不賴春風煦育勞。畢竟梅花塵外物。孤芳誰着品題高。
看梅興趣自然豪。幾處香雲望眼勞。停杖忽疑和靖宅。隔花仙鶴一聲高。

酬見和四首

貴游爭賞臥龍豪。三顧何辭汗馬勞。自有詩人殊品目。岷峨只道雪山高。
西湖處士本詩豪。却向梅花太苦勞。踈影暗香三百本。引他明月一齊高。
風骨峻嶒氣象豪。東君催促幾回勞。春風一夜有餘力。呼起梅龍堅臥高。
老來無復昔時豪。賞雪孤山脚力勞。唯為梅花侵曉去。半林殘月暗香高。
三月廿一日與柳北諸子同飲於柳島橋本亭。蓋了載妓泛舟之約也。歸後疊四韻以謝之。

柳橋

裙釵叢裡拔其豪。幾曲絃歌織手勞。解纜柳橋正停午。春城號砲一聲高。

立川

吾黨謀游不必豪。紅裙只助酒杯勞。輕舟轉棹容與去。一道清江春水高。

橋本亭

相送相迎醉興豪。造亭不必擬勞勞。賽神女伴探梅客。立幟一方聲價高。

三之橋

雙櫓蕩舟鴉軋豪。歸程十里不知勞。第三橋畔金波動。江月隨人岸柳高。

愛古先生見訪酒間揮毫垂示其近作次韻以酬 川田翁江

索居曾不接時豪。枉顧何圖杖屨勞。驚喜家童忙報道。茫然空谷足音高。
肥馬輕裘徒自豪。輸君閑退脫塵勞。等身著作如椽筆。築得懸壇似個高。
鳳翥龍蟠氣勢豪。醉餘揮灑腕忘勞。不慳後五半千筆。比世儒來一着高。
長鯨吸海飲中豪。身上何曾病五勞。除却文詩書畫外。舉盃手亦讓君高。
詩客文人幾俊豪。藝林月旦筆徒勞。無端評到自家處。手則低低眼則高。

酬見和

休退投閒也自豪。拖青紵紫任他勞。一塵不到柴門靜。百畝桑田足養高。

曾辭外史養餘豪。執簡翻甘筆削勞。脩史亭前春冷寂。殘梅花外一峯高。
非兼學識與才豪。一已愛憎徒自勞。大業期君班馬筆。駕他常史幾層高。
三都賦就詫雄豪。玄晏品題堪醉勞。笑我百篇游戲作。煩君一序價初高。
貽上子才稱二豪。不將疊和費間勞。誰知日域磬溪子。一韻攀來百首高。

附錄

戲詠時事十六首

紙幣

慶應楮幣氣雖豪。未十三年弊且勞。今日青龍丹鳳勢。直將黃白較低高。

馬車

車聲軋轉馬聲豪。千里軒中客忘勞。咫尺紅塵來撲面。長呼曳曳避人高。

傳信機

仙人縮地術何豪。跋涉山川不覺勞。萬里誰傳好消息。一條電線駕空高。

鐵道

發車期迫漏聲豪。載去千人萬客勞。品海橫灣七十里。漲天蒸氣曳煙高。

瓦斯燈

日本橋南多富豪。營營終日奈何勞。分明不夜城中路。千點瓦斯燈火高。

八力車

一槍三僕昔曾豪。豈料兒孫服賤勞。赤坂青山車路遠。夕陽何問挽錢高。

華族

公侯氣像帶餘豪。家祿不還家令勞。侍妾數人方丈食。出門便有馬車高。

巡查

不唯捕縛綠林豪。舉手豈忘投足勞。援溺扶顛雖職掌。賞金未到二圓高。

郵便奴

徒步匆忙馬步豪。晨昏傳命太勤勞。一封書促同遊去。已破曉窓春夢高。

兩國橋

土木紛紛驅役豪。長橋新築萬人勞。待他兩岸秋風起。未霽何虹天際高。

煉化石

疊成煉石市街豪。火後三年造築勞。早晚萬家爭壯麗。連臺直到駿臺高。

萬世橋

斜門森戟武威豪。萬世橋成吏解勞。早有群仙占樓閣。碧窓皎壁接雲高。

寫真鏡

極來纖巧脫踈豪。寫手精神幾度勞。宸影從他禁公賣。名優嬌妓價殊高。

博覽局

西來金鱗勢猶豪。翼短尾長疑伯勞。博覽除斯人造外。珍禽奇獸壓欄高。

異國人

輾海火輪蒸氣豪。驚濤萬里不勞勞。是英是米誰能辨。隆鼻掀髯一樣高。

橫濱港

萬國豪商各競豪。峩船巨艦運輪勞。阿芙蓉毒有誰買。載到支那價始高。

以上、豪韻百首、屑韻五首、計一百零五首、

太平唱和 明治八年六月木刻開版

愛敬餘唱題詩

丈夫處世豈其徒。未敢忘恩廢讀書。莫把斯編遊戲視。出於愛國敬神餘。

明治丙子春三月

愛古叟大槻崇題

引

此卷始題曰閑憲唱和。以效響太平唱和。馨翁乃改題曰愛敬餘唱。蓋出于愛國敬神之意。既而幡然悟曰。豈其然。夫愛敬盡于事親與交友。而四海五洲。皆可得而為兄弟。馨翁之旨遠哉。童子在一旁笑曰。以蒙觀之。猶是愛古敬字二先生之唱和耳。

乙亥膺月上浣

敬字中村正直識

愛古評松石
此評精確
松石評五十
六字可作敬
字君小傳讀
愛古評隣交
一篇為今日
交換之資不
亦奇乎

愛敬餘唱

東京 大槻愛古編次

乙亥十一月五日、宴東京書籍館、中村敬字

十載孔林棲學宮。一朝宗慤駕長風。多難不奈滿頭白。微醉能回雙頰紅。
喬木千章存故態。高樓百尺見新工。自慙老大空勞碌。座上群英氣吐虹。

葉松石評起承四句自幼學壯遊寫到小集頸聯景中寓感直
接自歎一結回顧座客通篇一氣呵成一語不苟洵傳世之作

和敬字君見示之作却呈 大槻愛古

小石川頭一畝宮。更營高閣擬洋風。薰陶今育東京俊。游學曾航西海紅。
立志成編張士氣。自由說理奪天工。緒餘雜纂多佳話。健筆猶能截彩虹。

江東避世擬仙宮。愛古不違今代風。揮筆片時千紙盡。著書午夜一燈紅。
隣交篇膾炙人口。近古史驚嘆鬼工。意氣崢嶸猶未老。欲凌霄漢躡星虹。

再呈敬宇先生

愛古

同人社即小巖宮。三百生徒草靡風。門外寒流一條綠。檐前霜葉滿林紅。
神機儒教渾融盡。漢字洋文翻譯工。欲擬先生成業美。暮山高挂半天虹。
松石評頌詩中有畫頭聯造語從容磐翁之筆養由基之箭似之又云拜讀唱十諸什端莊流麗工穩自然若忘爲步韻者旗鼓騷壇二君廉可稱

十一日弊堂古物會。洋洋社諸子咸集。席上賦似。

愛古

洋洋社散會儒宮。陳列森然博覽風。撫玩皆忘冬日短。品評竟到夜燈紅。
延喜殘經銀色白。鎌倉古笈斧痕工。但恐歸車迂路遠。二州橋未架飛虹。
是日敬宇君携清客葉松石惠然見臨。賦呈
新蟾挂在廣寒宮。留客且追投轄風。神代齋瓶蒼帶黯。漢時古鏡綠交紅。
醉談勃勃興愈劇。率賦匆匆詩未工。後會明年何節好。春天始見美人虹。
愛古先生古物會書感示先生

敬宇

欲嘲五硯未央宮。豈擬元章拜石風。鳳翥管公銀字白。管相公紺書鏤生太子馬鐙紅。所騎馬鐙古筐愛見鎌倉刻。龜井六寶鏡驚看漢代工。漢武帝儉父始過京洛肆。眼迷五色陸離虹。

敬宇君古物會詩。敘列古器古筆。而品題獨不及石。是可恨也。因

自賦以補之。

愛古

前身我是米南宮。石丈相逢拜下風。養老星巖多洞穴。美濃瓜溪古谷雜
蒼紅。紀州好忘江海人生險。且對峰巒天造工。狂態有時槃礴坐。居然偃
蹇暮山虹。五字用梁簡文成句

敬宇先生以磐翁古物會唱和詩見示。僕亦與斯會。讀之技癢。恭

步原韻奉呈。

葉松石

詩聲正大律中宮。愛古翁真足古風。狂眼不隨秋水白。醉顏欲傲晚霞紅。
立身有道君無愧。博物須才我未工。盛會叨陪殊衆客。摩挲贈劍氣如虹。

愛古評頸聯一句雖不敢賞知己之言萬不可忘君之不忘贈劍於僕亦感

疊韻謝呈

愛古

教職雖然在學宮。閑來嘯月又吟風。時磨寶劍愛清白。豈向花街追軟紅。
松石自言愛駢體雄渾驚絕技長篇豪放見良工。贈劍謝啓及寶劍故人皆流暢可誦也。故人家在大江岸。來躡長橋五彩虹。時將二州橋。

酬愛古先生見贈之作

松石

唐賢群和。大明宮。忽有諸公繼此風。寶物昨觀三代古。佳章今捧一箋紅。
壽同金石神先王。氣得江山句自工。豈但吟壇推健者。驚人飲似吸川虹。

愛古評想到大明宮妙與敬字未央宮一同好案又云葉君詩起手每高

疊和奉酬

愛古

音節洋洋商叶宮。宛然大雅盛唐風。磬溪迂叟鬢絲白。松石先生帽結紅。
此往彼來寧有極。同文異曲互爭工。若將此卷傳中國。光彩誰驚萬丈虹。

恭呈語學教師葉松石先生

幣聘來投語學宮。四聲細辨大邦風。從遊皆服佩衿綠。挑達誰追裙帶紅。
六萬餘言震旦宇。五十之韻悉曩工。但教唇口分清濁。不用文章氣吐虹。

松石和未至詩以促之

欲移杖履訪鬢宮。寒疾今朝不可風。老菊籬邊晨露白。殘楓林外夕陽紅。
慊心吾輩語言異。刮目先生文字工。一日三秋竣報意。急於久旱望晴虹。

奉贈敬字先生

松石

一道文光射斗宮。高懸絳帳類扶風。磨穿鐵硯墨猶黑。擊碎玉壺鐙尚紅。
上下千秋同我癖。縱橫萬里讓君工。寫真易狀才難肖。筆挾雲龍氣貫虹。

敬字評一氣呵成四字極爲合作第如其所言則僕豈敢當○愛古評一氣呵成四字極爲合作第如其所言則僕豈敢當○愛

奉呈敬字兩吟兄

松石

黃鐘太簇不離宮。迭和簫韶拜下風。函寄石川洋紙白。箋來墨水印泥紅。
偶成妙句多天籟。時有微言補化工。我似蟲吟無氣力。深藏應學孟冬虹。

疊和自述

愛古

不逐明皇入月宮。寧從列子御天風。苦吟空曳張生白。峭坐唯憐燭影紅。
勁敵鼓旗終叵敵。拙工繩墨豈其工。幾回痛飲忘憂物。一任人呼吸酒虹。

夜坐一首愛古敬字兩吟長一粲
松石

愛古薄言往胡為乎泥中怒

傲翠却呈

愛古

寒威凜凜逼靈宮。如劍來穿窻隙風。白髮頭邊帶霜白。紅爐火上吐煙紅。
欲費雕蟲壓夫敵。似磨利器善其工。栗烈何堪二之日。待他春季見長虹。

余近攝理東京女子師範學校故疊韻及之

敬字

樓枕茶溪築泮宮。漸期婦德學歐風。中心當貯睦嫺恤。外貌何求粉黛紅。
儘有女宗垂令範。先教閨秀勵良工。陰陽並進文明化。師校新成白若虹。

恭和敬字先生攝理女子師範學校 愛古

新建巽隣古泮宮。先教婉婉聽從風。演緣班史成閨秀。繡折金針勸女紅。
却把鞦韆屬男事。莫將芍藥競春工。先生不用斷機斷。攝理嬌柔連袖虹。

劉基句連袖如長虹

敬字事重困以韻磬翁能運典叶之宋人尖又詠雪不得專美于前

敬字先生主講女子師範學校以詩見示疊韻戲贈

松石

不徒詞賦播深宮。阜比薰陶少女風。萬姓蛾眉齊洗翠。五洲蟬史盡標紅。
詩言溫厚牝雞戒。易象文明雌雉工。請驗天心重陰類。封姨月姊美人虹。

廿九日聞有開業之式竊頌盛典以擬祝辭

愛古

玉輦親臨師範宮。后聽女順仰餘風。只垂美髮輕膏澤。不染瓠犀况粉紅。
織手紐箴學縫刺。細心研藝進神工。果知男女同權理。天上雌雄有二

愛古許葉君之詩巧於對偶排比豈昔日習舉業者耶

敬字評前聯皇后真影

虹。

聞馨翁先生遊瀧川有此寄 敬宇

瀧川錦裏古禪宮。誰解停車小杜風。愧我坐觀鼻端白。朱子調息箴鼻端有白我其觀之

羨君往賞水流紅。醉吟孰若馨翁樂。渲染看他青女工。天賜病夫期未後。

墨江去見澗邊虹。時有柳北君觀風之約故及

敬宇吟長兄聞余有瀧川之遊寄示一首其意可喜其遊則未盡也復依前韻詳叙當日情況但恨不與杜郎同停車之樂耳

愛古

幾客來游王子宮。新嘗祭日暖無風。海鰕亭裡三杯酒。歌妓叢中一點紅。

是日携一妓千樹丹楓曝餘處。多情青女染成工。瀧川自作彎環勢。恰是天然

飲澗虹。

廿六日赴柳北子觀楓會仍用原韻

霜後荒涼秋葉宮。墜楓片片舞寒風。笑浮白矣三杯白。坐愛紅於二月紅。

妙妓弄絃能侑酒。名流揮筆各爭工。斯翁亦逐停車跡。石徑斜邊醉暮虹。

成島君柳北招同故人會秋葉社之愛花園余亦與焉因步原韻

奉呈

敬宇

秋葉錦圍秋葉宮。頗疑天寶肉屏風。美姝二八顏含笑。老子尋常面發紅。

朝野新聞人競讀。柳橋仙史世推工。多君遭遇滄桑變。英氣依然燦爛虹。

墨水觀楓之會余有事故不果疊韻却寄

松石

諸公有約訪仙宮。我阻塵緣但望風。忽見霜華凝草白。遙知楓葉滿林紅。

流連觴咏群賢集。蒼老文章造化工。聞說名園依墨水。運機為瀑噴如虹。

敬字評此日松石不來頗為遺憾今讀此詩斯會亦覺不寂寞

疊韻既多各出新裁唯紅字未有異義因戲用人名以別之希兩

家吟壇指正

懶學徐陵體創宮。各舒襟抱振詩風。嘔心險怪嗤長吉。出口新嬌問小紅。

句不推敲如鑄穩韻諧競病謝雕工郵人大笑郵筒數和到明年再見虹。
松石先生以用人名妙聯見寄似且云一日不接詩筒殊落寞詩
以揀之僕謹領命矣乃試聯作二律以呈焉唐突之罪請恕

愛古

芊姓之先是楚宮遙遙華胄見遺風五湖去越煙波遠三戶亡秦戰血紅
詩尚風姿石林妙文關世教水心工葉生不負秀州秀每寄一篇虹吐虹

僕也寒族無家系可叙但平生所慕東坡先生矣乃補綴坡典以
博葉君一粲

養勇誰能似北宮天才我慕大蘇風酒呼家僕傾三葉飯命山妻作二紅
春夢婆嘆悲昔日金蓮燭寵異群工間來試把公文讀萬道奔泉舞玉虹
宮虹之戰嚮余以交綏二字獻者慮醜態漸露敗亡或從之耳其
意出忠愛之餘敬字君乃推僕為騷壇元帥已欲當偏將之任以
從事於筆陣之間其志則壯矣以余觀之歲路崢嶸而文債如山

敬字評領聯
妙如出天然

苟不及早為計後來或致不可悔之擾遂幡然改圖謹奉降章一
篇拜謝松石兩詩壇之帳下強復之罪請從末減

維時暢月黃鐘宮一片降旗出下風鬱鬱松含歲寒綠啾啾雀噪落霜紅
樹瓊瑤之贈報投重金玉其章追琢工四韻平平皆易辨到頭窘我獨唯
虹

敬字評收全勝之詩其妙乃
爾僕受此降章不堪慙汗

礫川水戶侯故邸有名園余以十二月七日偕諸友往遊焉洵絕
勝也疊韻又得一
敬字

惟昔侯家避暑宮園名後樂慕儒風朱舜水後樂園扁額尚存春花想見滿山白秋葉
今看照澗紅平遠險奇光景變橋梁樓閣造營工誰思城市輭塵裡劈石
雄泉懸斷虹

愛古評強弩末勢穿魯
稿如此豈得不擊節乎

卽和笑正

愛古

後樂名園似雪宮。憂民亦類齊宣風。伯夷采蕨祠堂古。舜水愛櫻兆域紅。爲圃爲田存野趣。因陵因澤擬神工。夕陽慘澹礫川水。依舊城門架彩虹。

敬字評風景宛然對仗工絕先生應是曾遊人

唱和事止竊自謂。生際聖明徒事文。墨戶位素餐與華族諸公同。享太平之樂者。抑何幸。是不可以不自賀。遂復疊原韻一首。

青山樹色擁皇宮。眼看文明開化風。例至午時天砲遠。每逢佳節日旗紅。五十九縣開三府。六萬千巖勸百工。老矣無爲心若水。後生可畏氣如虹。

敬字評先生不獨心若水氣亦如虹龜井昭陽所謂老年才子可畏者

磬溪先生有樂太平之作感吟之餘倣擊作一首

敬字

征蠻議寢紫微宮。深望隣邦懷德風。聲氣相通電機速。文明轉耀日章紅。和民無術只弘教。富國有源先勸工。最是將來可期者。青年才氣吐長虹。
愛古評五十六字無一句虛構字字自肺腑中流出自是敬字先生本色○老去何望望者唯是末一句不知可及見否

又三首

愛古

豈將宴樂長深宮。宵旰勵精明主風。一洗書生顏色白。群依遠客鬢毛紅。鑿開競起金銀鑛。建築爭鳩土木工。聖代寧容淫慝氣。城隅敢指蠖螾虹。

敬字評此篇大關係一世教可以備采詩者之用又曰抵得一篇廢娼論

新爵藩王首里宮。臺灣義舉仰餘風。五洲草木神飈遠。四海弟兄堯日紅。十八島全歸我有。三千界孰代天工。征韓壯士今安在。不見西天貫日虹。君王講戰在帷宮。萬騎千兵虎嘯風。鼓角聲交連發響。旌旗影動爛斑紅。馳驅一變孫吳法。隊伍兼收英佛工。演罷習原人馬散。船橋驛外掛長虹。夜讀大日本史有感慨然而賦

赫赫中興志。賀宮千秋誰不仰。仁風右流左。死冤雲黑前。九後三鋒血。紅顏奮龍髯。攝關屈手抽簾竹。斗升工鎌倉。以下吾無取。掩卷慙然燈吐虹。

敬字評景物詩應酬詩後乍接讀史一大作使全卷變化無極顧盼有致洵是老手○又評詠後三條帝字字響亮句句的切此韻若爲此詩設者豈非藝林一奇事

讀大槻中村二翁唱和次其韻

成島柳北

好將徵角和商宮。金石鏘然操八風。對榻想看雙鬢白。開筵恐少一裙紅。名傳不朽體仍健。理說自由文亦工。高會當時若迎我。韋公堂上飲如虹。

十二月十一日同人社小集席上賦似

愛古

江門川上有儒宮。聯袂來尋暢月風。鴨脚葉交蛙手落。南天燭映水仙紅。祇應真率論情厚。勿以苦辛求句工。一笑詩人太多事。虹藏不見尙吟虹。

蛙手和名

奉步磐翁玉吟

松石

諸公顛似米南宮。走也清狂敢逐風。叙齒當筵人盡長。孱顏得酒我先紅。管枯江令才慙退。舌在張儀話未工。飲興正酣吟興助。冲天豪氣莫疑虹。

同人社小集疊前韻偶詠橫濱詩衆賓協議以成八句亦同人于

野之意也

北山新築太神宮。禦侮何須祈颶風。絲賈有財皆面白。酒樓無客不毛紅。帆檣林立能通貨。灣泊天成豈用工。四海弟兄今始驗。萬邦旗色艷於虹。

敬字評成島柳北望月穀軒川田瓮江重野成齋大槻磐溪諸先生協議成此詩咄嗟而辨同人社偶爲吟老議詩院亦詞壇之一新也奇甚

甚快

十二月十二日兩國新橋落成不唯觀之美萬民賴之不可不記

乃復疊前韻

愛古

水濱不祭禹王宮。橋就馮夷不起風。海近長江潮代汐。岸遙行樹綠交紅。尋常一樣輿論熄。九十六間公築工。却立船頭齊額手。寒天未霽是何虹。

奉和

敬宇

江波浩渺接龍宮。萬舸千艘趁順風。春夜秋宵花月白。繁絃急管綺羅紅。寒裳不涉往來利。如砥而平結構工。西武東總分境處。別無界石只斯虹。

愛古先生以西洋古銅錢一見贈圓徑一寸有餘蒼而頰古色鬱然其面有帝后像緣有FAUSTINA八字阜斯的那乃帝

后名羅馬安敦皇帝之妻也安敦紀元百三十八年生百六十一
年殂東漢順帝永和三年續承大統能文作詩博物君子也后受
帝寵殊篤安敦即位後第三年皇后殂后一生休侈其歿帝甚悼
之建女子學校官供廩餼以為追憶之記云此錢歷年一千七百
四十年內外也又假宮虹韻以誌余喜 敬宇

邈矣安端帝后宫。豪奢想見大秦風。千年遺物愛兼敬。一寸古錢蒼帶紅。
征服蠻邦非耀武。造營女校不鳩工。幾回浮白賀奇獲。大醕翻嗤澗飲虹。

詠西洋古錢詩一首

愛古

維昔安敦皇帝宮。后妃愛寵釀奢風。奉天寶勝卯金富。朽索錢多陳粟紅。
今日猶看肖照面。錢面女粧即爾時未有寫真工青蚨無脛壽如此。笑殺
崇朝截雨虹。

余近者構一樓名以松風時敬宇中村君見寄愛敬餘唱感吟之
餘步其韻 青山延壽

高閣新成似梵宮。焚香盡日聽松風。春渠忽潑鴨頭綠。夏藕須遲玉臉紅。
絕海誰能運妙策。群英幸見代天工。平生壯志銷磨盡。看他少年氣如虹。
人間那要蓬萊宮。唯愛柴桑處士風。玉雪却添偃蓋翠。金釵時洩晚陽紅。
雅名翻用明人記。結構不須洋製工。樓下隔流酒旗動。為吾誰也架橋虹。

劉伯溫宋景濂皆有松風閣記今錄以換此樓之記故云

一月二十三日青山先生招諸友於松風樓以落其成時大雪余
遣寒疾不往因賦呈 敬宇

百萬人家白玉宮。樓成瑞雪舞松風。鰕生臥病鬢絲短。騷客滿筵華燭紅。
奕葉儒宗聲價重。一家史學體裁工。謦予藻思年來退。敢與宋劉爭彩虹。

疊韻賀松風樓落成奉呈青山延壽先生

愛古

新營枕水築儒宮。落落長松謾護風。奕葉文章金映玉。一門桃李白交紅。
青田記為青山設。善頌辭緣善禱工。最賀先生未七十。朱顏蒼髮氣如虹。

偶見愛古敬字二位先生佳作欣然步其原韻以博一笑

清 羅雪谷

題古石

平生性酷嗜南宮。千古甘為拜好風。老去三生頭盡白。鞭來萬里色俱紅。感天精衛御真孝。置水曹娥刻甚工。奇瑞太湖多怪趣。磷响盤踞傲虬虹。

詠落花 八句包藏八美人

出塞昭君別漢宮。倚門無復笑春風。廂西已老鶯頭白。樓上空啼燕淚紅。魄散楊妃尋也渺。魂離倩女寫難工。五湖今泛西施去。同伴飛瓊跨彩虹。

雲遊有感

欲探天上蕊珠宮。恁得扶搖雨腋風。花月有情歌雪白。江山無語笑塵紅。詩臻老境吟偏壯。畫到忘形寫未工。聊學醉中仙八友。百川豪吸飲如虹。

再依愛古敬字二君原韻詠淺草寺即景二首

十方人玩梵王宮。淺草名存太古風。翠捲松雲三界綠。香飄花雨一天紅。

敬字評何等
巧妙

色空諸相歸玄妙。夢幻浮生入化工。四大圓明同極樂。豪傾北海氣成虹。潛隱龍山水月宮。靜耽明月與清風。菊舒老圃花常艷。楓蔭祇園葉盡紅。淺寺重修緣地運。浮圖巧製奪天工。客窗近傲張僧意。破壁飛騰現白虹。

又依前韻詠古石

經講生公坐紺宮。點頭頑悟悅禪風。交情羨爾真清白。堅質如人頗淡紅。體態古奇非世匠。形容縟瘦是天工。初平巨叱頻驚起。盡化為羊弗化虹。

喜羅雪谷先生見和又和以謝二首 愛古

昔聞淺草水呼宮。濱竹弟兄漁網風。一寸八分尊像古。廿間四面影燈紅。雷門今作電機局。石道尙開星貨工。寺北春天訪君處。夕陽柳外現殘虹。仙隣來卜梵王宮。也似西湖處士風。夢裡梅花滿山白。眼前菡萏一池紅。四絃裂帛阮聲大。五指幻花吳畫工。若使獬奴迎我到。橐駝園上飲如虹。

吳振武用指頭作畫見朱竹陀詩

丙子一月十日雪中訪敬字先生攀其宮虹韻以呈然玉龍戰酣

之後，徒拾其敗鱗殘甲耳。

河田貫堂

溪橋衝雪訪儒宮。肯擬山陰王子風。六扇窓明眼生纈。三蕉酒烈臉潮紅。園林斯日看殊改。圖畫天然不假工。屋後脩篁何偃蹇。玲瓏映出幾條虹。莫是天公修月宮。霏霏玉屑舞廻風。潤深隴畝欣三白。夜朗窓燈減半紅。鹽絮語陳何復說。尖叉韻險益呈工。高吟一出人爭唱。彩筆映空如爛虹。

敬字先生以愛敬餘唱見贈余及豚兒通俊次瑤韻謝之併及府

縣形勢

岩村英俊

餘唱原興自泮宮。連篇月露愈頭風。抱將名玉混頑石。奪取錦袍輝蜀紅。天象地球窮大理。鳥痕蟹跡見雄工。險艱韻脚自由蹈。不讓磬溪萬丈虹。教育村童構學宮。文明有脚似春風。郊荒穀棘牛哂苦。水涸險喁魚尾紅。探玉採金窮國力。桑茶耕牧費人工。地方官路難登級。匹似低頭吸酒虹。

讀愛敬餘唱題其後

澁谷啓藏

結構匹如輪奐宮。詩斤想見肅成風。百篇誰不眩精彩。一語曾無涉軟紅。

堯廷載賡傳遺韻。荆潭唱和訝同工。好將造化比觀美。海有蜃樓天有虹。

同人社清集啓不幸未陪其席悵惋之餘更賦一首

山澤癯儒一畝宮。仙緣隔絕馬牛風。幸欣肉食面無墨。更慶名流顏尚紅。君會優游聊云樂。吾詩雕琢未全工。何當共侍昇平宴。萬紙華箋劈彩虹。

酬澁谷君見寄

敬字

萬里志輕環堵宮。鯤鵬有翼未搏風。早朝赴院戴星白。深夜看書燒燭紅。笑彼營營求宦巧。喜君落落賦詩工。他年會見青雲上。牛斗爛然氣似虹。

君有遊海外之志故起一句及之

愛敬歌

敬字

致愛敬盡愛敬順境何足言。逆境可鍊性使親非頑。豈何見舜德盛使君非殷紂。何見三仁行西聖瑣刺底其妻性頑硬拂意動輒怒萬事悖命令他人娶若婦其必謀再聘瑣謂此乃福幸受此暴橫理學根脚堅試驗要風勁妻氣百變動瑣性一秦定妻躁情如火瑣靜心如鏡祇因愛敬深後世稱為聖吁嗟此二字勢力存百勝愈鐵艦巨砲超千軍萬乘。況且似鐵鎖操執合一柄能懷柔搗貳能馴化梟獍構兵息秦楚交惡和周鄭四海可一

家六合可同姓。嗟嗟今世人。子弟缺温清。夫妻相反目。朋友互詬病。至邦國交際。需以兵力。競妖氛。滿神州。何時得洗淨。愛敬盡事親。德教四海互。千年口徒誦。今日未見應。致愛敬。盡愛敬。一人德。兆民慶。小家法。大國政。勿怠忽。宜虔聽。此二字。神攸命。

愛古云。篤信之學。真實之語。其濟度衆生之功。不知幾億萬。偶像之教。於是乎不待令而廢止。

一韻到底。能言難言之言。雖是緒餘。可以見學之有素。

愛敬唱和。本出于一時遊戲。得此一歌。以結局。全篇化爲活潑有用之作。讀是卷者。其勿忽諸。

跋

袁子才不喜疊韻和韻。以爲詩寫性情。惟吾所適。何得以一二韻約束爲之。是知其一。未知其二也。詩自有從約束中得奇句妙語者。猶之困於心衡於慮而後喻。何以湊拍爲。子才曰。忘韻詩之適也。余曰。不忘韻亦詩之適也。這裡消息。子才能領乎否。乙亥暢月。七十五翁大槻磐溪。識於愛古堂南窻之下。時茶梅花落。霜禽爭紅。

再刻成矣。附以新參諸賢詩。篇篇奇警。若新發於硯。余讀之技痒。又動。乃收拾餘唾。團爲一片。真嚙語耳。豈敢壓尾。斯卷云乎哉。

愛古

幾度引商仍刻宮。填箎相和太平風。胸中藻思紜紛沸。筆下天葩爛燦紅。欽汝能將新化腐。慙吾徒弄拙爲工。虹藏不見唱酬起。引到春空始見虹。

見... 其... 又... 再... 堂... 蓋... 尚... 之... 實...

愛敬餘唱

明治八年活刷九年四月木刻再版

